



函史下編卷之三

盱郡鄧元錫著

人官考

自咎繇矢謨無曠庶官亮天上於人官惟說命總百
官曰明王建邦設都樹后王君公承以大夫師長不
惟逸豫惟以亂民則知人官之設代天工而立民命
依古初而來伏羲氏以龍紀故以龍名官共工氏以
水紀故以水名官神農氏以火紀故火師火名黃帝
有雲瑞故雲師雲名少昊摯之立也鳳鳥適至故以
鳥紀為鳥師而鳥名鳳鳥氏曆正也玄鳥氏司分也
伯趙氏司至也青陽氏司啓也丹鳥氏司閉也蓋主

於若天祝鳩氏司也也雖鳩氏司馬也鳩鳩氏司空也爽鳩氏司寇也鵲鳩氏司事也一主於鳩民而五雉爲五工正九扈爲九農正民生賴焉自顓帝以來不能遠紀乃紀於近爲民師命以民事唐堯之世首命羲和欽昊天以授時內有百揆四岳外有州牧侯伯及舜受終申命禹以司空宅百揆棄后稷契作司徒敷五教臯陶作士正五刑垂共工伯益作虞伯夷作秩宗典三禮夔典樂龍納言爲九官首咨岳宅揆重百揆也百揆於虞爲冢宰統百官庶采寄焉九疇畀焉舜相堯都之故茲以命禹和是官農天生德天

民之大命也故次命稷播百穀富而教然後民親遜而以其天全故次命契刑弼教故次命臯陶工作成器爲天下利故命垂而治人之道畧備然後若上下草木鳥獸而命益民康物毓無不順治也而後禮樂興焉故咨岳而命夷夷讓而命夔三禮者事天神地示人鬼之紀也夙夜庸庸祗祗威威敬正直內清明在躬然後怕與神明居是禮之本也樂也者蕩滌邪穢斟酌飽滿動盪血脉流通精神而和正心也是化之成也夫讒說之爲天下禍烈矣變亂視聽殄絕善行震驚有衆不聖則治毀于成故命龍納言納言者

典司上命司下復迎而出納之而防之者也乃其咨
十有二牧曰食哉惟時柔遠能邇敦德允元而難壬
人蠻夷率服食者民之天時者食之天司民牧者之
本也柔遠附遠能邇附邇帝者於遐邇一體也乃其
篤有德悅仁人於壬邪防乎防焉故邦國乂而守在
四夷大哉洋洋乎九官十二牧之命也曰惟時亮天
工故岳牧九官罔非天工咨牧命官一主於亮工此
虞帝所以恭己穆清無爲而以萬邦寧之道也萬世
治官之統由之矣蓋唐虞稽古建官惟百夏商倍之
天子有三公九卿二十七大夫八十一元士殷制天

子建天官先六大曰大宰大史大祝大士大卜
典司六典天子之五官曰司徒司馬司空司士司寇
典司五衆天子之六府曰司土司木司水司草司器
司貨典司六職天子之六工曰土工余工石工木工
獸工草工典制六材五官致貢曰享五官之長曰伯
千里之內爲王畿千里之外設方伯五國以爲屬屬
有長十國以爲連連有帥三十國以爲卒卒有正二
百一十國以爲州州有伯八州八伯五十六正百六
十八帥三百三十六長八伯各以其屬屬於天子之
老二人分天下以爲左右曰二伯今王制所述其畧

也武王克商以五等列爵以三等分土以賢建官以能位事告武成而命焉為宗周治綱其後成王幼周公輔王四征弗庭六服承德歸于宗周乃董正治官作周官官三百六十屬上法乎天行立太師太傅太保曰三公論道經邦燮理陰陽立少師少傅少保曰三孤貳公弘化寅亮天地垂道本也王心王躬思慮聰明宥密平康得天地泰冲陰和陽動靜順軌好惡以平發歛消息與時偕行省歲在天毋失其當秉道握符以中為常故師嚴傅密保親而後王能以道寧立三少貳公也公尊重不可以有瀆公有貳而後道

可以意盡也故雖天子必有師也以有尊也必有弼也以有輔也主於道不及以政然後志凝於神而專之於道通神易之原調精禋之微是道本也論官者先諸此乃建六官其書曰惟王建國辨方正位體國經野設官分職以為民極乃立天官冢宰使帥其屬而掌邦治以佐王均邦國乃立地官司徒使帥其屬而掌邦教以佐王擾邦國乃立春官宗伯使帥其屬而掌邦禮以佐王和邦國乃立夏官司馬使帥其屬而掌邦政以佐王平邦國乃立秋官司寇使帥其屬而掌邦禁以佐王刑邦國乃立冬官司司空使帥其屬

而掌邦事以佐王富邦國天官者象天所立之官天
統萬物冢宰掌邦治總百官均四海曰天官掌建邦
之六典曰治典曰教典曰禮典曰政典曰刑典曰事
典而五官統焉故周易首乾象天坤者天之配元亨
利貞其行也象此者也以八灋治官府曰官屬以舉
邦治官職以辨邦治官聯以會邦治官常以聽邦治
官成以經邦治官灋以正邦治官刑以糾邦治官計
以弊邦治是也以八則治都鄙曰祭祀以馭其神灋
則以馭其官廢置以馭其吏祿位以馭其士貢賦以
馭其用禮俗以馭其民刑賞以馭其威田役以馭其

衆是也如是而加之以八柄詔王貴賤予奪廢置而
生殺之宰統百官之道也以八統詔王馭萬民而以
九兩繫之九職任焉八統曰親親曰敬故曰進賢曰
使能曰保庸曰尊貴曰達吏曰禮賓九兩曰牧以地
得民長以貴得民師以賢得民儒以道得民宗以族
得民主以利得民吏以治得民友以任得民數以富
得民九職一曰三農生九穀二曰園圃毓草木三曰
虞衡作山澤之材四曰藪牧養蕃鳥獸五曰百工飭
化八材六曰商賈阜通貨賄七曰嬪婦化治絲枲八
曰臣妾聚斂䟽材九曰閒民無常職轉移執事宰治

萬民之道也以九職任之功而歛之於郊甸縣都關
市山澤曰九賦職外無貢也以九賦所入之財而均
節之於祭祀賓客荒喪羞服工事幣帛芻秣匪頒好
用曰九式賦外無式也又以九貢致四方萬國之財
而一之於經用式外無用也宰制國用之道也百官
輻輳並進宰握樞曰統四海碁布環列宰平畫曰均
萬民星共僉治宰時又曰紀故六典大典也統天道
該王事是有相之道也而並列於六卿乾坤與六子
並列於八維冢宰與五官並奏於六職其義一也地
官象地所立之官地配天任養萬物司徒配天官主

地主民徒而教擾之曰地官掌建邦土地之圖與人
民之數制畿疆而溝封之以上會之法辨地之物生
以知民之恒性而施十有二教焉以祀禮教敬則民
不苟以陽禮教讓則民不爭以陰禮教親則民不怨
以樂教和則民不乖以儀辨等則民不越以俗教安
則民不偷以刑教中則民不越以誓教恤則民不怠
以度教節則民知足以世事教能則民不失職以賢
制爵則民慎德以庸制祿則民興功此十二物者大
司徒之所以教也不養不可以動則有保息六以養
之曰慈幼曰養老曰振窮曰恤貧曰寬疾曰安富不

安不可以養則有本俗六以安之曰媿宮室曰族墳
墓曰聯兄弟曰聯師儒曰聯朋友曰同衣服而又頒
職事十有二以登之設荒政十有二以聚之散財薄
征緩刑弛力舍禁去幾青禮殺哀蕃樂多昏索鬼神
除盜賊使民饑而不害有安土而無流亡是安擾之
始也以鄉三物教萬民而賓興之一曰六德智仁聖
義忠和二曰六行孝友睦婣任恤三曰六藝禮樂射
御書數倍行者刑爲鄉八刑以糾之一曰不孝之刑
二曰不友之刑三曰不睦之刑四曰不婣之刑五曰
不任之刑六曰不恤之刑七曰造言之刑八曰亂民

之刑刑糾行行徵實也糾造言亂民偽亂真也德與
藝不糾德中藏未易知藝成於性不可強也是安擾
之道也又盛而漸於化以五禮防民偽而教之中以
六樂防民情而教之和而安擾成焉故地官卿配天
也宗伯象春所立之官春天地之和也宗伯掌建邦
之五禮以治神人和上下曰春官以吉禮事邦國之
鬼神示以凶禮哀邦國以賓禮親邦國以軍禮同邦
國以嘉禮親萬民以九儀正邦國之位以禮樂合天
地之化百物之產以事鬼神諧萬民致百物是宗伯
之事守也蓋虞廷秩宗典禮夔典樂龍納言周皆統

春官司馬象夏所立之官天日暄雨潤雷奮諸莫盛
於夏夏大也司馬掌邦政張皇六師赫赫濯濯而後
能以萬國寧曰夏官譬則夏之日乎伊可畏而助長
物也抑雷霆平時雨乎殫迅疾而震動優渥又過化
不留也夏盛德在火兵猶火火烈具舉而民勿之有
犯也夏官卿之道也掌建邦之九法以佐王平邦國
制畿封國以正之設儀辨位以等之進賢興功以保
之建牧設監以維之制軍詰禁以糾之施貢分職以
任之簡稽鄉民以用之均守平則以安之比小事大
以和之是政之大紀也於是乎以九畿之籍施邦國
之政而令其賦以四時之田習苗蒐獮狩之法而治
其軍其馮弱犯寡也則青之賊賢害民也則伐之暴
內陵外也則墮之野荒民散也則削之犯令陵政也
則杜之至賊殺其親放弑其君外內亂禽獸行則正
之殘之而滅之是九伐之法也是司馬之事守也秋
官象秋所立之官秋摯斂司寇義刑義殺驅而納之
善曰秋官掌建邦之三典以佐王刑邦國一曰刑新
國用輕典刑平國用中典刑亂國用重典以五刑糾
萬民曰野刑上功糾力曰軍刑上命糾守曰鄉刑上
德糾孝曰官刑上能糾職曰國刑上愿糾暴是五刑

之綱也凡民之有罪過未麗於法而有害於教者以
園土聚教之施職事焉甚者坐諸嘉石役之司空凡
遠近惇獨老幼欲有復於上而其長弗達者立諸肺
石聽其辭以告而達之其萬民之獄以兩造而禁之
其訟以兩劑而質之獄入束矢訟入鈞金然後以五
刑聽之用情訊之以辭聽色聽氣聽耳聽目聽而察
之至於旬乃弊之要成讀之與衆聽之而後以八辟
麗邦法而附之刑以三刺斷邦刑而求其中八辟者
議親議故議賢議能議功議貴議勤議賓二刺者訊
羣臣訊羣吏訊萬民也刑者例也例者成也一成而

不可變故君子盡心焉大哉乎夏官之董其政秋
官之制刑曰禁也明兵設而不用刑有禁欲毋犯也
王德之至也虞廷蠻夷寇賊均屬士蓋兵刑兼之中
古政刑繁嘖劇矣故司馬專兵司寇專刑而任也冬
官象冬所立之官司司空篇今亡周官司司空掌邦土居
四民時地利太宰事典富邦國任百官生萬民而均
統於天官天官六十屬少宰其貳也掌宮刑治王宮
之政令糾禁夫天下之政令風教未有不自王宮始
者其奢儉汰約之原治亂分焉故憲官刑所以肅君
心之敬而格非心之萌也大宰統焉而職不列先之

則後陽治後之則慢王宮於少宰著之宮正宮伯主
王宮之宿衛左右內宰內小臣主后宮之內政若左
右也膳夫主食酒正主飲宮人主六宮六寢之脩典
婦功內司服主衣服醫師主疾病王后世子之所服
御也宮中府中合爲一體而冢宰統焉罔或有一事
一物出他門違式法者所以輔王及王后率由於天
道而端其本也宰制國用太府列職掌出入之權宰
統百官司會列職贊聽治而會其職六十屬皆在七
之事天覆之象也地官六十屬主土地民徒教養之
政令六鄉多士故鄉大夫州長黨正族師閭胥比長

詳於教六遂多農故遂大夫縣正鄙師鄴長里宰鄰
長而下詳於養鄰長位下士自長而上登一級至鄉
大夫而爲卿司市教市也司門關施教於門關也師
氏保氏主輔王媿詔王憲而教其左右也司諫司救
董畿內之教也地也者土也載師任土也土均均人
平土也封人制畿封之土虞衡主山林川澤之土也
倉廩土所出牧人蕃育犧牲土所產也牛土畜牛人
掌之國有大事司徒共之六十屬皆邦本之事地載
象也春官屬六十禮莫嚴於事天天府天重器之藏
也大卜筮人占夢眡祲馮相保章致寅清之德以聽

命於天而和同天人之際者也典命典瑞司服巾車
司常禮之秩叙也鬱人司尊彝司几筵司禮之器也
巫祝致禮之辭也諸史守禮之官也大司樂屬焉樂
所以和禮教王世子及國子以禮樂者也世婦內外
宗主王六宮之禮都宗人家宗人主家削縣都之禮
者也送死大事家人職器專之鷄木畜鷄人掌之春
官共之六十屬合敬同愛春生象也夏官屬六十有
三量人邊人主制畿封國也職方氏主施貢分職也
都司馬家司馬主簡稽鄉民也司勳司士諸子主進
賢興功也皆邦政也大僕節服氏格王正事也司士

正朝儀之位正朝廷百官也九伐正萬國也服不氏
而下正及禽獸也司甲司兵司弓矢皆兵之所有事
馬質校人軍之所駕乘也戎僕主車御司右具右射
人其左皆車之所有事也於是乎有虎賁旅賁主輦
轂以衛王掌固司險掌疆主設險以守邦而又有訓
方懷方匡人擲人喻王德達下志於上下而消患於
未萌此王者兵不用而諸侯自爲正之具也司燿主
火火夏氣也小子羊人主共羊羊夏畜也弁服首服
夏象也六十屬萬物各正夏長之象也秋官六十屬
司刑司刺掌囚司厲司圜皆刑官遂士縣士方士訝

士朝士各掌其地之刑者也布憲主警戒禁暴氏而
下主巡察司約司盟主結信皆禁於未發刑期無刑
也司民主民數屬之若曰民天之命王者之所天也
主刑者民之司命用可無慎乎大行人掌邦國之交
朝大夫都則都士主圻內都家之法者也冥氏已下
十二官刑及于禽獸也職金犬人屬馬金秋氣犬金
畜也六十屬皆主裁物之過秋殺象也冬官屬今亡
考工記三十二工其屬與豈當有善景相觀卜以疆
理四方如傳所稱召伯世執其功者與天文東井主
水衡豈當有匠人主濬治溝洫通津梁爲水土治與
立政有準人象水象繩直禮有畜人主收藏積聚爲
封守鍵閉豈其屬與鹽水所自出而利溥宜亦有專
官與然不可考矣於是乎六官各率其屬各敬官慎
位倡九牧以覆承生長而收藏之彌綸宥密如天宇
之六合而五等之國又各設其孤卿大夫士序宣其
下一依之以建官位事焉於是乎五服羣后各以其
方入見考禮正刑一德以尊于天子而天子時巡觀
焉此周王奉若天道建天官以理天下兵不用而諸
侯自爲正之具也是故井牧始於黃帝而九夫經野
之法至是而大備弼服昉於陶唐而九畿封國之制

至是而益詳典刑倣於有虞而五刑五罰之制至是而纖悉具矣故合兵農於田井基教養於鄉遂育俊造於學校大之而祭祀朝覲冠昏卷紀師田行役之法次之而車旗圭璧衣裳冠冕之制小之而登龜取魚籍鱉攻蠱水化火化之事靡不在焉上自王躬后宮以至於郊社宗廟邇自朝廷圻甸以被於九服四海六官各有常矣而共聞其政六職各有務矣而共理其事譬之則一人之身目視耳聽手持足行固各有其官而耳之所注目必營焉手之所探足必前焉癢疴搔抑固未始不通爲一體而不言自喻也孔子

歎之曰周監於二代郁郁乎文哉文中子歎之曰先師以謂王道極是也千載而上聖人在上者未其有若周公者焉其道則一而經制大備後之爲政者有所持循矣後官失道散而諸侯大夫競於僭陵恣於竊攘於是乎有春秋故時之有春秋自周官之失始也孔子之作春秋也屬辭比事一正也之以舊典禮經欲以復天地四時之官世陵遲莫能用而戰國諸侯惡其害己并其藉而去之秦不師古好戰攻設爵級以勸武力成其并吞旣得志而終已不改罷侯置守設太尉主五兵立丞相揔百揆又置御史大夫貳

於相終佳兵尚刑程吏事爲功能也然滅亡亟矣漢
興制官多仍秦舊取趨時便事初置一相曰相國掌
承天子理萬幾置御史大夫副之而太尉主南北軍
護諸將皆秦官孝惠呂后時置左右相奪太尉權屏
諸呂諸呂掌南北軍而亂作丞相平太尉勃相與協
計謀誅之則將相會和之力也文帝旣踐阼復相太
尉之舊三年罷太尉官其後時以事制事已輒罷而
相權益重以專上謁者鄧通方最寵而丞相嘉得以
節召至頓辱之則其驗也景帝時御史大夫錯以刻
深用事事多從關決已又爲上畫削七國權丞相弗

聞也而錯竟以誅是時漢法諸將皆起軍功得侯又
常以列侯有功得相至武帝時高祖之列侯功臣嚮
盡而天子方垂意於文學得菑川人公孫弘儒雅有
文大悅之於是徒步起布衣不數年至宰相封侯而
官丞相封侯自弘始後踵爲故常已天子銳意武功
又置大司馬冠軍將軍之號寵衛霍蓋文武並用而
不主故常者如此先是御史大夫與丞相稱兩府而
御史府有兩丞皆秩千石中丞在殿中蘭臺掌圖籍
領侍御史十員受公卿所尚書及是天子益明察務
遠畧內厭惡丞相御史所爲擅國柄自予也於是九

卿得更進用事丞相徒齷齪取充位又招選文學材
智之士令侍中待詔事至得舉白令援經書古法雜
難之與大臣相糾詰大臣屈焉已又以宦官主中書
奏白上乃下兩府行之又性嚴峻多誅殺而丞相御
史徃徃得重譴坐誅公孫賀以太僕得引拜至頓首
涕泣不肯受印綬其痛急至於此先是漢法丞相見
上上御坐爲起在輿爲下至是賀蒲伏祈哀請自免
上意忤自引竟起去賀不得已乃退蓋禮貌薄甚矣
已竟不免其後霍光以大司馬領尚書事於是大司
馬至散騎諸中憲機要者爲中朝官自丞相而下至
六百石爲外朝官迨光受遺輔政丞相獨建空名於
百僚之上每大議冠百僚具奏上而事趣決於大將
軍蓋相權盡矣宣帝起民間在位知霍氏專橫以過
誅滅之而詔大司馬不得冠將軍已魏丙相繼爲丞
相任政尊重漢治勃然中興是時御史大夫望之以
日食引咎言陰陽不和罪在臣等上以其意輕丞相
不熹也望之因遂絀其重相如此然帝察察核名實
而宦官弘恭石顯以便慧得入筦中書迨孝元而恭
顯以中書令比周用事丞相御史帝師傅覆爲所傾
搆死免帝甚痛悼而終莫之能罪也中人筦中書之

禍始此矣成帝時御史大夫武爲上言古民淳事約國之輔佐必得賢聖而猶則天三光備三公之官各有分職今末俗益弊政事煩多宰相之才遠不逮古而一人獨兼三公之事此大化之所以未洽也宜建三公官定卿大夫之位分職治政以考功效於是拜曲陽侯根爲大司馬而武自御史大夫改大司空祿奉比丞相爲三公蓋三公爲丞相自此始非久司空博上言帝王之道不必相襲高帝置御史大夫位次丞相典正法度歷載二百天下安寧今更大司空與丞相同位非所以隆聖德重相國也願罷大司空以御史大夫爲百寮長自臣始詔從之而三公之名復廢然本武初議乃亦謂三公各有分職鬻論道之任而以周六卿司馬司空當之名實紊矣大將軍若前後左右將軍自周末有之以將兵得名而國權重在兵呂后時以呂祿爲上將軍示握兵尊重制朝權文帝以外藩踐尊以宋昌爲衛將軍薄昭爲車騎將軍收宿衛權至衛霍尊寵實始建大將軍冠軍之號博陸受遺因用廢立天下莫能難遂設驃騎左右將軍之職至成帝尊用舅氏陽平侯鳳以大司馬大將軍領尚書事任政其後兄弟繼起在位竟朝政威權出

呂霍上天下寒心哀帝即位王氏列侯罷就國而寵幸人董賢至以爲大司馬復印綬官屬位司徒上事益悖驚帝恭崩莽遂起大司馬入柄國置三公官而莽以太傅充三公尋以安漢公備四輔已復以宰衡位王公上而內移漢祚矣原厥所以以外戚握兵專政之日久而帝暴奪之不以道趣之成也世祖中興憤數世之失柄罷丞相御史大夫太尉官不置踵西漢末設大司徒大司馬大司空爲三公尋改司馬爲太尉名三公爲宰相然獨責之綜庶務下親吏事奪之權先漢丞相有長史有司直舉劾不法至是罷不

置相道益茂至明帝時東平王蒼以驃騎將軍錄尚書事錄尚書之制始此三公權益奪每天子初立以太傅錄尚書事已輒罷其後司徒秉劾常侍覽有章尚書至詰其越奏以謂三公察外御史察內爲當然而忘其本也乃獨以都重位食厚祿有災異輒策免甚且令自裁冀以塞天變也豈不謬哉尸其位者詎不痛哉建安中曹操實復始置丞相以大枋自予而漢亡大都漢初惟丞相太尉並列爲將相後御史大夫與相稱兩府而罷太尉官其後太尉爲大將軍秉國東漢則三公爲相而邦事專筦於尚書古重論道

相兼道與法而有之後天下政務筦於章奏故權在御史已遂爲尚書中書而兵權所在威重莫比故大將軍重焉而周官道揆法紀之遺意蕩然盡矣漢九卿曰奉常曰光祿勳曰衛尉曰太僕曰廷尉曰大鴻臚曰宗正曰大司農曰少府其外有中尉皆中二千石丞皆千石而漢世中二千石咸稱卿奉常主郊廟禮樂之事蓋古秩宗有丞有博士景帝改太常其屬有太樂太祝太史太宰太卜太醫六令丞而均官都水兩長丞諸廟寢園雍五時令丞尉武帝建元初置五經博士後隨有增立咸屬焉郎中令掌宮殿掖門宿衛之事蓋古宮伯之官太初中更名光祿勳令有丞其屬有大夫郎謁者皆秦官期門羽林皆屬焉大夫有太中大夫諫大夫員至數十人郎掌禁闥以議論拾遺左右出充車騎最親近有議郎中郎侍郎郎中員至千人謁者掌賓讚受事得執戟侍衛後中人爲謁者尚書諸郎不親幸加官不得入而郎中令之官稍踈期門羽林武帝置比古虎賁員至千人宣帝令中郎將騎都尉監馬自侍中尚書博士郎謁者皆有僕射秦重武射軍屯吏騶宰永巷宮人皆有官主射督課之因取爲領事之號 衛尉掌宮門屯兵蓋

古宮正有丞其屬有公車司馬衛士旅賁三令丞又
諸屯衛候司馬二十五官皆屬焉長樂建章甘泉衛
尉職畧同不常置 太僕古官掌輿馬有兩丞有屬
而中太僕掌皇太后輿馬不常置 廷尉古司寇掌
平獄奏當凡郡國獄疑處當報有正有左右監文帝
仁厚慎刑獄官特重景帝改大理尋復舊地節初置
左右平哀帝時復大理 典客古大行掌諸侯及歸
義蠻夷有丞屬景帝更名大行令太初定爲大鴻臚
初置郡國邸屬少府改屬中尉後屬焉 宗正掌天
子族親屬籍有丞屬官有都司空令丞內官長丞又

諸公主家令門尉皆屬焉 治粟內史古鄉遂掌穀
入之官有兩丞景帝更名大農令太初更大司農其
屬有太倉均輸平準都內藉田五令丞榦官鐵市兩
長丞郡國諸倉農監都水六十五長丞皆屬焉搜粟
都尉軍官不常置 少府掌山海地澤之稅給天子
共養而天下公用仰司農國經用不給時發焉其屬
有尚書符節太醫大官場官導官樂府若盧考工等
十六官有中書謁者黃門鈎盾尚方御府永巷內者
宦者八官都水庖人均官之長丞及上林中池監若
中黃門皆屬焉而少府亦猶屬丞相御史宮府一體

猶古意至光武則一以山海鹽鐵歸郡縣而宮中私用畢付之外廷乃後奄人主少府監而國賦所入大臣一不得復預矣中尉掌徼循京師有丞二人候司馬十人武帝更名執金吾其屬有中壘寺互武庫都船四官而左右京輔都尉丞兵卒皆屬焉然不列於九卿東漢九卿之制循西京而其屬多所併省太常省十官博士隸太常以僕射非博士宜稱其耆老又次者稱祭酒司農鹽鐵官改屬郡縣省均輸等五官少府省五丞省場官織室令署又省上林等三令二十一丞蓋其時以并省冗員減經費以億計而尚書

始不隸少府增二人為六曹初秦置尚書於禁中通章奏少府令四人於殿中發文書漢興公卿因少府以白事故尚書與中書謁者黃門皆為少府屬自武帝游宴後庭妨士人入內始用宦者主中書謁者任以彌重太史掌天官受天下計書太史公父子繼為太史公以後太史公以李陵故論腐刑後得為中書令堯中蕭望之白以為中書政本宜以賢明之選當書是也

之更置士人謂此也成帝罷中書宦官置尚書五人尚書僕射一人掌圖書秘記章奏其任猶輕至後漢世祖親攬吏權責三公亦獨以吏事百事皆關決於尚書而尚書得與人主參可否已詔尚書侍中黃門

諸官不以職屬於是李固以爲出納王命賦政四海比天之有北斗而後世尚書令及左右丞僕射遂爲端揆之位無不統矣厥後闡人典中書握輿權始猶用族姓已益溢漫已又領鹽官其後羽林宿衛咸領之於是尚書之權盡移之奄尹得封侯襲爵爲將軍而禍亦汰烈也大都政權不能一日無所屬在朝廷則治在臺閣則亂在闡宦則亡朝廷失而臺閣臺閣失而奄宦勢激使然又曷怪焉漢官九卿而下太子屬有大傅少傅有門大夫庶子洗馬舍人而詹事掌皇后太子宫有丞屬官有太子率更家令長信詹事

皇太后宮後改長信少府景帝更名大長秋爲掌

宮中之官

將作少府掌治宮室後更將作大匠有

兩丞有屬

典屬國掌蠻夷降者武帝時增置成帝

省并入大鴻臚

內史周官秦掌治京師景帝分置

左右內史太初中右內史更名京兆尹左內史更名

左馮翊主爵都尉故掌列侯改名右扶風治右內史

地爲三輔治民而列侯屬大鴻臚三輔各有兩丞有

屬後置三輔都尉都尉丞各一人自太子太傅至右

扶風秩皆二千石丞六百石蓋漢卿三等前後左右

將軍爲上卿奉常至少府凡九官爲正卿執金吾至

三輔為陪卿

護軍都尉自漢初有之元狩中屬大

司馬府比司直已名護軍司隸校尉

本周官

掌徒隸主

徼巡督捕元帝時省哀帝復之屬大司空比司直而
城門校尉武帝置中壘等八校尉詳具軍制中奉軍
都尉掌御乘輿駙馬都尉掌駙馬皆武帝初置宣帝
置騎都尉為加官自司隸至駙馬都尉秩皆二千石
其侍中左右曹諸吏散騎中常侍給事中皆加官
所加或列侯將軍卿大夫而下皆上特恩無常負得
入侍禁中得備顧問應對為天子腹心耳目居中防
壅蔽者也自封諸侯王而外皆郡縣其地郡置守有

丞有長史而都尉佐守典武職甲卒秩比二千石亦

有丞景帝更郡守曰太守更郡尉曰都尉武帝時復

置關都尉農都尉屬國都尉馬縣萬戶而上為置令

掌其治秩千石至六千石萬戶而下為置長秩五百

石至三百石皆有丞尉他十里一亭亭有長十亭一

鄉鄉有三老有嗇夫游徼三老掌教化嗇夫職聽訟

收賦稅游徼循賊盜大都漢官制有爵有職官又有

加官自公士至徼候凡二十級曰爵自丞相御史而

下中朝內朝外朝官下至守令丞曰職官其二千石

而上有比者真者中者它官盡有試者行者守者中

二千石京朝官最尊真次之比又次之守為遷擢行
為權攝試則試職必滿歲稱乃為真而漢世官吏多
久任惟邊吏三歲一更均勞逸焉魏晉而降時有吏
改無慮皆沿漢舊梁武受終頗定諸卿之位分配四
時宇文周始用蘇綽議倣周禮文建六官然終不能
有益也蓋道散久矣唐因其舊立太師太傅太保曰
三師太尉司徒司空曰三公然徒空名不設官多以
為贈官親王拜者亦惟獨名銜立尚書門下中書為
三省以尚書令侍中中書令為之長共國政析一相
而三尚書為都省門下為左省中書為右省其後以太宗嘗為尚書令

臣下避不敢當已又以三省隆重中書令侍中亦不
以時授而左右僕射遂長尚書省貞觀中上以僕射
當洞開耳目訪才賢為弘益令尚書細務悉委於兩
丞其寃濫大故當奏白者乃關請僕射及貞觀末常
以他官行相事而除拜僕射必加同平章及參機務
乃預政而僕射徒名銜杜淹以吏部尚書魏徵以秘書監預朝政是也其後
李勣以兵部尚書同中書門下三品而同三品之名
昉焉永淳初郭待舉岑長倩以侍郎同中書門下平
章事而平章事入銜自此始終唐世不改武后更官
制改左右僕射為左右匡政而所置相多龐雜眾甚

開元初命左丞相說右丞相璟太子少傅原暉同日
上官賜宴親賦詩寵之然罷知政事為丞相亦獨為
名高而天寶後天下多難方鎮以同平章事備位示
尊重非實秉鈞衡然名實彌紊矣初三省官議事門
下省堂後裴炎自
侍中遷中書令乃徙政事堂於中書開元中張說
為相改政事堂號中書門下事列五房其後馬
尚書省尚書令一人正二品掌典領百官儀刑端揆六
曹大務會決焉下制敕冊令教符於方州受百司之
章奏復逆平章馬左右僕射各一人從二品為之貳從二
左右丞各一人正四品掌糾舉憲章辨六官儀制正百僚
文法而糾正之御史舉不當劾之其屬有六尚書

擬周六卿吏部戶部禮部左丞總馬左司郎中貳之

兵部刑部工部右丞總馬右司郎中從五品貳之左右司

各有負外郎從六品有都事從六品主事從九品之官 吏

部尚書魏宋官一人正三品侍郎二人正四品掌天下官吏選授

勳封考課之政令凡職官銓綜之典封爵策勳之制

權衡殿最之法悉以咨之其屬四曰吏部曰司封曰

司勳曰考功凡中外百司之事由所屬者皆質正焉

吏部郎中二人一掌天下文吏班秩品命凡叙階二

曰開府儀同三司正二品曰特進從二品曰銀青光祿大夫

夫中三品曰金紫光祿大夫從三品曰銀青光祿大夫
正四從四正五從五又各分上下曰正議通議大夫
中中散朝議朝請朝散皆大夫正六從六正七從七

正八從八正九從九亦各分上下曰朝議承議承議承議
通直朝請宣德朝散宣議給事徵事奉承務儒林
登仕文林凡叙階之法有以封爵有以勳庸有以資
將仕皆即凡叙階之法有以封爵有以勳庸有以資
免復授者皆循法以叙母枉冒凡入三品五品者皆
待別制進之凡文武百僚班序官同者先爵爵同者
先程其移疾覲省致仕之節過程給其假寧行李之
命諸簿書景跡功賞殿雪皆與負外郎分而理焉一
掌流外銓凡未入仕而吏京司者負外郎二人從一
掌選院資歷選人解狀籍書一掌曹務簡試主事四人
司封郎中一人負外郎一人掌邦九等之封爵王正一品
戶郡王從一食五千戶國公正二食三千戶郡公從
二千戶縣公正三千五百戶縣侯從三千一百戶
縣伯正四千七百戶縣子從四千五百戶
縣正四千七百戶縣子從四千五百戶
凡內外命婦之制貴妃淑妃

德妃賢妃並夫人正一品昭儀昭容昭媛充儀充容
充媛並嬪正二婕妤好九負正三九美人正四九才人
正五二七寶林正六二七御女正七二七采女
正八八等皇太子媛娣自正三至正九七等皇
姑封大長公主視從一親王女縣主正二王母妻曰妃
太子女郡主視從一親王女縣主正二王母妻曰妃
一品國公母妻夫人三品以上母妻郡夫人四品若
勳官二品封母妻郡君五品若勳官三品封母妻縣
君職官四品封母妻鄉君其母主事四人司勳郎
邑號加太字若兩有官爵從高主事四人司勳郎
中一人員外郎二人掌國之勳級凡勳十有二等上柱國
護軍正三護軍從三上輕車都尉正四輕車都尉從
四上騎都尉正五騎都尉從五驍騎尉正六飛騎尉
從六雲騎尉正七武騎尉從七凡著功效合授勳官者皆覆定奏擬
主事四人考功掌内外文武官吏之考課以四善
二十七最省校而上下之死則隲其謚議負外郎掌

通鑑綱目卷之三十三

貢舉已屬之禮官主事三人 戶部尚書侍郎之職

尚書一人侍郎二人他部同 掌天下戶口土田之政令凡徭賦職

貢經費賙給之方藏貨贏儲之筭悉咨之其屬四曰

戶部即中二人正五員外二 曰度支即中一人下同他

部同又各有令史書 曰金部曰倉部凡中外百司之

事由於所屬者皆質正焉戶部郎掌領天下州縣戶

口之籍任土所產為貢賦之差分十道總之定天下

職事官田諸州廨公田民永業口分田及租庸調之

制若其優復蠲免及山陵廟邑之守度支郎掌支度

國用租賦少多之數物產豐約大陸道路之利歲計

其所出而支其所用凡物之精者與地之近者以供

軍皆料其遠近時日眾寡好惡為轉運徵歛送納而

準程焉凡和市糴皆量其貴賤均天下之貨以利於

人金部郎掌庫藏出納金寶財貨之節權衡度量之

制皆總其文籍而頒之凡度以北方秬黍中者一黍

尺十尺為丈量以秬黍中者容一千三百為一龠

為升十升為斗十斗為斛權衡以秬黍中者百黍之

重為銖二十四銖為兩十六 倉部郎掌租稅祿廩若

天下軍儲之出納義倉常平倉之儲蓄焉
禮部尚書掌禮儀祠祭燕饗貢舉之政令其屬四曰
禮部曰祠部曰膳部曰主客凡中外百司之事由於

所屬者皆質正馬禮部郎掌舉儀制而辨其名數禮吉

儀五十五禮六軍禮二十祠部郎掌祠祀享祭天

文刻漏國忌廟諱卜筮醫藥道佛之事膳部郎掌郊

廟之牲豆酒膳之品數廩犧之條養省闕太官之籩

豆簠簋釶登良醞之酒醴尚食之珍羞關馬主客郎

掌二王後鄭公介公及諸蕃朝貢饗燕之事兵部尚書

侍郎之職掌天下軍衛武官選授之政令凡軍師卒

戍之籍山川要害之圖廐牧甲仗之考悉咨之其屬

四曰兵部曰職方曰駕部曰庫部凡中外百司之事

由於所屬者咸質正馬部郎中二人其一人掌考武

官之勲祿品命正二曰輔國從二曰鎮軍正三曰冠

軍蕃官曰懷化皆大將軍從三曰雲麾蕃官曰歸德

皆將軍其正四從四至正五從五又各分上下曰忠

武壯武宣威明威定遠游騎游擊皆將軍正六從六

至正九從九亦各分上下曰昭武振威致果朝麾宣

節禦武仁勇陪戎上皆曰校尉下皆曰副尉凡一掌

判簿總軍戎差遣之名數員外郎二人一掌貢舉及

諸雜請之事一掌選院曰南曹主事四人職方郎掌

天下地圖及城隍鎮戍烽堠之數辨其邦國鄙都之

遠邇及四夷之歸化者凡地圖委州守三年一造與

廬訊其山川風駕部郎掌邦國之輿輦車乘及天下

之驛傳廐牧官私馬牛雜畜之簿籍辨其出入闌逸

之政令司其名數庫部掌邦國軍州之械器儀仗朝
會之陳設祠祭器葬之羽儀給焉 刑部尚書侍郎
之職掌天下刑法及徒隸句拘覆關禁之政令其屬
四曰刑部曰都官曰比部曰司門凡中外百司之事
由於所屬者咸質正焉刑部郎掌舉憲典而辨其輕
重具刑法志都官郎掌配沒隸及簿錄俘囚以給衣糧藥
餌以理訴競雪免凡公私良賤必周知之比部郎掌
勾會內外賦歛經費俸祿贖徒役課程之通及軍
器械器和糶屯收之入司門郎掌天下門關出入往
來之籍賦而審其政令 工部尚書侍郎之職掌天

下土田山澤之政令其屬四曰工部曰屯田曰虞部
曰水部凡中外百司事由於所屬者咸質正焉部郎
掌城池之脩濬諸土木之繕葺工匠之程式咸經度
之下少府將作役焉屯田郎掌天下屯田之政令廣
軍儲虞部郎掌天下虞衡山澤之事而辨其時禁水
部郎掌天下川瀆陂池之政令以導達溝洫堰決河
渠凡舟楫漑灌之利舉焉部尚書各以其屬屬於尚
書令 門下省侍中二人正掌出納帝命緝熙皇極
總典吏職贊相禮儀以和萬邦弼庶務凡軍國之務
與中書令參焉凡奏抄奏彈露布若議表狀皆審署

申覆然後行黃門侍郎正二人貳之給事中四人正

侍上左右分判省事凡百司奏抄侍中審定已讀而

署之有違駁正凡制勅宣行大事覆奏小事署行不

便封繳上有錄事從四人主事從八人之官令史書令史

制亭長脩補制左散騎常侍從二人諫議大夫正四人皆

掌侍從規諷備顧問左補闕從二人左拾遺從二人掌供

奉凡發令舉事有不便時合道者大事廷議小事上

封賢良忠孝遺滯不上聞則條狀薦之起居郎從二人

掌錄天子之起居付史官典儀從二人掌殿上贊唱及

張殿庭版位之次城門郎從四人掌京城皇城宮殿諸

門之開闔非時者有幾符寶郎從四人掌天子八寶及

國之符節中書省中書令正二人掌軍國之政令釐

萬邦度百揆凡軍國之務與侍中參而總焉凡制冊

勅皆審署申覆然後行中書侍郎正二人貳之中書舍人

六人掌侍從參議表奏凡詔旨制敕璽書冊命皆按

典起草進既下署行之禁漏洩稽緩違失妄誤百司

奏議考課預裁焉以久次者一人判省雜事一人知

制誥以六員分押尚書六曹佐宰判事同署乃奏主

書從四人主事從八人隸焉令史書令史而右散騎常侍

二人右諫議大夫四人右補闕拾遺各六人職掌於門下省

同起居舍人二人掌錄制誥德音備記言之制付史官通事舍人十六人掌朝見引納及辭謝者武德中

詔置脩文館于門下省後改弘文館教授課試生徒

如國子學生三十人以皇宗總麻已開元中詔寫四

部書置乾元殿更名麗正脩院已又改集賢院選者

儒侍讀其中已置學士五品直學士六品侍讀學士脩撰

等官掌刊緝經籍辨治邦國之大典備顧問應對天

下圖書遺逸賢才隱滯得承旨徵求焉校書郎二人

正正字四人從貞觀中置史館門下省已徙中書以

宰相監脩脩撰四及皆它官兼領之未登朝者稱直

史館乾元中召名儒為學士入草制號北門學士玄

宗初置翰林待詔掌四方章疏批答及應和文章以

張說陸堅張九齡為之已又以中書務劇多所壅乃

選文學士號翰林供奉與集賢院學士分掌制書後

改學士別置學士院掌內命選用益重至號稱內相

目以為天子私人無定員內宴居宰相下一品上憲

宗時又增置學士承旨焉蓋古中書尚書黃門既任

端揆稱政府而內廷密勿啓告出納之枋當必有所

屬亦其勢也弘文館隸門下集賢殿若院及史館隸

中書稱三館惟翰林無所隸自別為禁林云宋上相

昭文

殿大學士兼脩國史次相為集賢殿大學士他官司

之署曰省曰臺曰寺曰監曰衛曰府各統其屬以屬

于三省三省外以省稱者曰秘書曰殿中曰內侍秘

書省有監從三有少監二人從四品上有丞一人從五有屬掌經籍

圖書領著作局局有郎從一人有佐郎從二人有校書正

字各二人正九掌從一人司天臺有監正一人有少監正四人有丞

六正掌天文曆數其屬有春官夏官秋官冬官中官官

各有正副有五官保章正五官靈臺郎有監候挈漏

司曆司辰之官隸秘書殿中省有監從三有少監從四

有丞從五掌天子王食醫藥服御帷帟輿輦次舍之政

令屬有六曰尚食曰尚藥曰尚衣曰尚乘曰尚舍曰

尚輦左右仗閑廐有使押五坊監供時狩焉內侍省

有監從三有少監從四掌內侍奉宣制令有內常侍內給

事內謁者寺人有宮教博士之官其屬有六局曰掖

庭曰宮闈曰奚官曰內僕曰內府曰內坊亦各有令

丞而內坊局隸東宮上三省多古冢宰之屬署在省

闈故具以省名御史臺御史大夫一人正三品掌刑憲

典章之政令糾官邪肅正朝列中丞為之貳其屬三

曰臺院曰殿院曰察院臺院侍御史六人掌糾舉百

僚及入閣承詔其父次知彈奏者於殿中監察以下

簡其良以轉臺內事悉主之曰臺端殿院殿中侍御

史九人掌殿庭供奉糾會朝儀分左右巡察京師察

院監察御史十五人分十道察巡州縣各察其所巡

之不法者糾視刑獄審軍戎功賞諸祭祀營作太府

出納皆分察焉尚書省會議亦監其過謬御史大夫

不除常以中丞長臺事焉九寺曰太常曰光祿曰

衛尉曰宗正曰太僕曰大理曰鴻臚曰司農曰大府

皆漢官太常有卿一人少卿二人丞二人主簿二人

錄事二人有博士四人有太祝九人奉禮郎九人協律八人

而郊社太廟諸陵太樂鼓吹太醫太卜廩犧八署署

各有令丞隸焉太常於漢奉常職掌同而光祿實如

掌酒醴膳羞於漢光祿勳絕蓋漢光祿勳諸屬屬三

省職司矣光祿有卿二人少卿二人丞二人總太官

珍羞良醞掌醢四署署各有令丞衛尉亦獨掌器械

文物不主兵蓋文武判矣寺有卿一人少卿一人丞一人

從六人總武庫武器守宮三署署各有令丞宗正大僕

於漢官職掌同而宗正領崇玄陵臺二署太僕領乘

黃典廐典牧車府四署及諸牧監大理主祥刑有卿

從三人少卿二人有正二人丞六人有主簿二人從七人後同錄

事二人獄丞四人從九人有司直六人從六人評事十二人從八人

鳴臚有卿從三人少卿從二人有丞二人領典客司儀二署

掌四夷君長朝見以蕃望高下為之等掌職官喪葬

營給之事司農有卿少卿有丞掌倉儲委積領上林

主苑園大倉主九穀鈞盾主陂池藪澤薪導官主

池蔬果四署及中外宮苑園池竹木諸監太府有

揮九穀米卿少卿丞掌財賦總兩京都市左右藏及常平七署

署皆各有令丞五監曰國子曰少府曰將作曰軍

器曰都水國子監祭酒從一人司業從二人掌國子經學

訓導之政國子太學廣文四門律書算七學隸焉監

有丞從一人判監事有主簿從一人錄事從一人國子博士

正五人掌教三品以上及國公子若孫從二品以上曾

孫為生徒者有助教從二人直講四人有五經博士經二人

分經授教之太學博士掌教五品以上及郡縣公子

孫從三品曾孫為生徒者廣文館博士掌領國子生

業進士者四門館博士掌教七品以上侯伯子男子

為生徒及庶人子為俊士者律學業律令比書學業

石經說文字林算學業九章海島五曹周髀算綴法

皆有博士從二人助教掌教等官少府監掌百工總

中尚金玉齒左尚車右尚刀劔斧鉞織染掌冶銅鐵五

署及諸冶鑄互市等監以供天子及后之服御及郊

廟主玉百官儀物監有監三從有少監四從有丞六從有主

簿錄事 將作監掌土木工匠總左校營構梓匠右校塗版

築丹中校舟車兵仗甄官琢石陶土等署官如少府軍器監掌

繕弩甲以時輸武庫監有監四正有丞七正有簿錄而弩

甲分二坊都水監掌川澤津梁渠堰陂池之政總河

渠諸津監署監有使五正有丞七從有主簿河渠署有令

河隄有謁者諸津有令溝渠開塞時禁皆專之為舟

渠備防其衛府之制左右衛上將軍各一人二從大將

軍各一人三正將軍各二人三從掌宮庭警衛之令督其

屬之隊仗總諸曹之職務凡親勲翊五中郎將府及

折衝府所隸皆制焉有長史正錄事參軍八各一人

倉曹兵曹參軍各二人騎曹冑曹參軍各一人七小吏同

其奉軍都尉駙馬都尉無定負親衛之府五親府一

與勲府二翊府二而五也府各有中郎將正掌領校

尉旅帥親衛勲衛翊衛之宿衛者而總其府事左右

郎將正貳焉亦各有曹參軍正其驍衛武衛威衛領

軍衛金吾衛皆分左右皆各有大將軍一將軍二職

品於左右衛同並掌翊府之翊衛其外府豹騎熊渠

羽林射聲攸飛番上者分配之左右金吾衛大將軍

將軍掌宮城京城晝夜巡警之法以執禦非常皆各

有長史及諸曹參軍而左右翊府及同軌等五十府
中郎將帥其屬屬焉其左右監門衛左右千牛衛各
設大將軍將軍中郎將具如上制監門衛掌諸門禁
及文武官門籍千牛掌侍衛及供御儀仗千牛刀名
身而其左右羽林衛大將軍將軍掌統領北衙禁兵
之法令督攝左右廂飛騎之儀仗為周衛無中郎將
有長史而下而景雲初置左右龍武神武軍如羽林貞元初置
官左右神策如龍武軍東宮官有太子太師太傅太
保各一人從輔教皇太子皇太子迎拜殿門三師答
乃坐與三師書前名惶恐後少師少保各一人
名惶恐再拜太子出則從

二為之貳太子賓客四人正掌侍從規諫贊禮儀侍

讀掌講讀擬都省詹事府太子詹事正一人統東宮三

寺太子家令太子率十率府太子左右衛率府左右

府左右監門率之政令少詹事為之貳正一人有丞正主

簿從七錄事有司直正七掌糾劾左春坊左庶子二人

正司儀郎正六左諭德正一人左贊善正一人掌侍從贊

相駁正啓奏擬門下省司經典膳藥藏內直典設宮

門六局總焉司經局洗馬二人從五典經籍文學三

二人從九掌校讎典膳二人掌進膳嘗食藥藏和劑

醫藥宮臣涖嘗內直掌符璽及几案衣服諸供奉典

門管鑰局皆有郎副郎有丞右春坊右庶子正四人中

舍人正二人掌侍從獻納啓奏擬中書省通事舍人掌

導宮臣辭見勞問家令率更僕寺三寺總焉而右諭

德贊善大夫錄事主事設皆如左春坊家令寺掌皇太子飲膳倉

庫領食官典倉司藏三署率更寺典宗族次序禮樂刑罰及刻漏之政僕寺掌輿騎廐牧署以聽於詹事

僕寺各有令一人從四而十衛掌兵仗儀衛視帝宿衛

焉其親王府置傅一人主輔導諮議參軍主備諮謀糾

宮僚友一人主拾遺補闕文學一人典經籍侍讀勸講讀

無定員東西閣祭酒各一人賓見賢士有長史司長各一人

主簿記室錄事參軍有勳官戶兵法士六曹參軍

有典籤有親車府掌守衛內府掌輿騎儀衛各置典

軍副典軍國有國令一人太農二人尉二人丞二人它小吏有

差諸公主邑司有家令丞錄事各一人其天下方鎮初

各置大總管府改都督府定為上中下等制數更無

常其後分天下為十道道置採訪防禦黜陟等使治

所部其邊方有寇戎之地謂之節度使得建節樹六

纛總軍旅專誅入朝則置留後領府事有副大使其

屬有行軍司馬副使判官支使有掌書記推官巡官

衙推官有同節度副使驛巡官府院法直官其觀察

使掌察所部善惡舉政綱團練防禦各有使有副有

屬下於觀察使其天子非時遣使巡行方州又有巡

察安撫存撫等使無常負其節度使封郡王者則有
奏記一人兼觀察安撫兼度支營田招討經畧使者
則各置副置屬如本使蓋權重極而方鎮之形成矣
其天下兵馬元帥副元帥都統副都統若招討使各
有行軍司馬各有屬兵罷則省其安東安西安南安
北及北庭則置大都護上都護府各置副若屬焉京
兆河南太原三府各置牧一人從二重東西北三都鳳
翔成都河中江陵興元興德五府各置尹一人從三親王
典州則歲上佐巡少尹二人為之貳有司錄參軍正七
錄事從四人若功曹倉曹戶曹田曹兵曹法曹士曹參

軍正七上州州有刺史從一人有別駕從四屬有長史司

馬有錄事參軍有錄事亦各有功倉戶田兵法士諸

曹市有令有丞文學醫學有博士中下州刺史設官

屬亦如之武德初改郡為州改太守為刺史天寶初

京縣有令正一人有丞從二人主簿從二人錄事從二人尉從九人

從八畿縣若上中下縣亦各有令丞簿尉以其地為秩

差縣在三都城內曰京縣城外曰畿縣又有望縣十

一千戶已上為中下不滿一千戶皆為下縣軍有將有副有曹參軍鎮有

使有副凡軍鎮二萬人以上置司馬戎有主有副其

中下無副設曹有差關有令丞亦各以中下為差

初太宗讀周官喟然歎之曰此聖典也不井田不封建不肉刑而能致治者未矣於是省中外官定制為七百二十員曰吾以此待天下賢材足矣然是時業已有負外置矣其後又有特置同正員若檢校兼守判知之屬至景龍而官紀大紊開元中天子自撰唐六典刊定職次從官為之注頒行之於是三省統會衆務舉持網維有九寺五監以分理羣司有六軍十六衛以嚴禁禦有詹事府二春坊三寺十率以輔衛儲宮有牧守督護以分臨畿外設官以經之置使以緯之於是百司詳密庶績從理而六部之設迄于今

倣焉而議者頗疵其複糾司農少府戶部之任也太

常宗正禮部之職也廷尉刑也府衛兵也鴻臚光祿

禮部之膳部主客也衛尉大僕兵部之駕庫也他將

作少府軍器都水四監咸宜隸兵工亦繁複莫省矣

宋初官號名秩無慮皆唐舊三公三師亦獨為親王

使相加官其特拜者不預政上於尚書省而太師為

異數

自趙普以開國元勳文彥博以累朝耆德得特拜後惟蔡京

其三省长官亦

不授以同平章事領相職參知政事副焉而中書門

下尚書省並列於外別於禁中置中書為政事堂與

樞密院為兩府蓋析一相而二樞密主兵天下財賦

若內府若中外度支悉三司使領焉同平章事於漢
為丞相參知政事其御史大夫也密院其太尉三司
使其計相也蓋官名仍唐而義類依倣於古漢者如
此其時臺省寺監無定負無專職皆出入分蒞而即
所蒞為職司以課職而考功百司庶府皆得以其職
自達中書樞密院為奏覆畫一下體統正而事權通
官師相承無損於治然是時三省六曹二十四司互
以他官典領其正官獨以寓祿秩位著非別敕不治
本司事事之所寄十無二三惟內侍省閣門客省四
方館畧有職掌它無所典署故士以登臺閣任禁從

為榮以差遣要劇為貴而階勳爵邑無能重輕名實
混貿甚矣神宗覽唐六典慨然欲酌古今之宜改官
制摹以賜羣臣乃置局中書考故實釐定制三省準
唐尚書令侍中中書令亦不授以左右僕射為宰相
中書揆議門下審覆而尚書宣行之它諸省臺寺監
各還其職司會明堂禮成詔以新制遷叙尚書新省
成上親臨幸召六曹長貳而下詢職事申敕而異時
試攝判知差遣之弊廓然然其時參政確以王珪為
首相妨已欲傾之建白以左僕射兼門下侍郎行侍
中之職右僕射兼中書侍郎行中書令之職於是本

六典中書造命之說已得以次相筦機務承旨奏事而左僕射以門下不得與實擯珪而奪之權其內降制敕及中外復逆本三省定奪取旨下已稱尚書駁審徒虛文而行遣顧雍闕元祐中司馬呂相繼柄國乃請令三省復合班奏事明同心共政之義其後蔡京當國更開封守臣為尹牧府分六曹縣分六案脩六尚局建三衙郎又更兩省長官為輔弼而易左右僕射以太宰少宰名官諸皆釐然而亂政亟行晚既罷政復令其黨建白古太師太傅太保為三公今乃稱三師司徒司空周六卿太尉秦主兵之官今覆為

三公非制也宜復古三公為真相立三孤少師少傅少保為次相蓋一復周官之舊而京乃復以太師三日至都堂治事復柄國毒痛于天下乃其時鄆王肅王以皇子童貫以中人皆得官師傅諸嬖倖走馬承受得擁使節方士黃冠畢玷清班則壞弊極矣建炎初復國初同平章事參知政事之舊乾道初更為左右相而建設非人亦將如官何哉嗚呼不得於道揆法守之意而取必於建置其效居可覩矣宋同平章事無

常員有二人則分日知印皆兼殿學士監脩國史體例同親王參知政事不宣制不押班不知印不預奏事不升政事堂殿庭別設磚位宰相下敕尾署衙降一等其元德碩老謝政不得罷聽以月日至

章軍國重事序宰相上其罷政以節使帶同平章事
衙為收守若判曰使想門下省在正陽門外西面北
拾遺為司諫正言散騎常侍不除授尚書省官同唐
文書如漢中書對持文武二柄曰二府有使有副使後為
遂與中書同知院事有直學士簽書樞密院有同簽
書後知院亦行與使副並置者元豐更制議者欲廢
密院歸兵部神宗曰祖宗不以兵柄歸軍政為職而
不許定置知院同知院二人專以兵機軍政為職而
契丹國信民兵牧馬隸馬其屬有都丞皆有檢詳計
議官而編脩官因事置無定負宣徽南院使北院
使掌總領內諸司及三班內侍之籍典郊祀朝會宴
饗供帳之事檢閱內外進奉諸名物序二府班後官
制行罷官徽院以職事分隸省寺而號猶存三司
沿五代置使有副使判官有鹽鐵使度支使戶部使
三部副使三部判官翰林院掌制誥詔令撰述之
事翰林學士承旨不常置以學士久次者為之凡他

承舊不改侍讀侍講主勸讀釋經義備顧問侍從有
學術者為之咸平中設翰林置侍讀學士侍講學士
後尋廢為兼官而元祐中置崇政殿說書觀文殿
學士非嘗任二府者不除有之為恩殿禁中無之
以舊延恩殿而名資政殿在龍圖閣之東序景德中
王欽若罷參政特置學士龍圖閣之復為資政殿大學
士班觀文殿學士下端明殿西京正衙殿也明道中
改承明為端明殿置學士以學士久次者為之其總
閣學士直學士則加官後罷為兼官龍圖閣在會慶
殿西偏比連禁中奉太宗御容御製及典籍圖書寶
瑞之物及宗室屬籍天章閣在龍圖閣之北奉真宗
御製以天書祥符取為章于天之義而名自是宗正
屬籍祖宗御容潛邸旌節咸安奉馬寶文閣在天章
閣東西序羣玉藥珠殿之比奉仁宗御書御集英宗
附馬閣皆仁有學士直學士侍制直閣等官元符元年
曾布鄧洵仁申請建閣奉神宗哲宗御製自是迄宋
世建閣閣皆建官如異時神宗曰顯謨哲宗曰徽猷
徽宗曰敷文高宗曰崇文而政和中始置集英殿脩
寧宗曰寶章理宗曰顯文而政和中始置集英殿脩

撰右文殿脩撰秘閣脩撰許內外官帶貼職名宋初
以史館昭文館集賢院為三館皆寓崇文院端拱初
即院中堂建秘閣擇三館真本書籍萬餘卷及內出
古畫墨銘藏其中直閣直館直院皆謂館職狀元制
科一任還試詩賦各一而入否則大臣薦而試入之
官制行而廢獨直秘閣為貼職恩數而已東宮太
子太師太傅太保不常設太子少師少傅少保以宰
相兼太子賓客詹事以他官兼太子左庶子右庶子
左論德右論德不常設以他官兼神宗升儲始置太
子侍讀侍講至道天禧中置太子中舍人舍人自仁
宗為太子時即資善堂肄業自是皇子就外傳置翊
善贊讀直講等官紹興後有說書有小學教授等官
其主管左右春坊以內侍充其太子左右衛左右司
禦左右清道左右監左右內各率副率官存無職
有記室參軍王府長史不除有司馬諮議以常參有友
後多不置宋初吏部尚書為遷官而財計歸三司
禮屬禮儀院兵右樞密刑有審刑院止設判各部事
無專司元豐定制吏尚書以金紫光祿大夫戶禮兵
刑工以銀青光祿大夫換授而尚書實始領職司侍

而六部舊有管幹架閣庫官宣和復唐官之
各置監門官一人御史臺有判臺秘書省
行而三省留司御史臺有判臺秘書省
門下省置編脩院掌國史官制行而日曆錄秘書省
以宰執所撰時政記及左右史起居注所書會脩撰
已詔省長貳毋得預著作脩纂之事獨進書繫銜名
防漏洩而以他官兼著作職事馬紹興中重脩神宗
哲宗賈錄置國史院以宰相提舉副相監脩置史館
脩撰同脩撰直史館編脩脩檢討等官太史局掌天
文與唐司天臺官職掌同其判局及同判則選五官
正以上業優考深者充之鐘鼓院印曆所筭學隸焉
醞併尚乘尚輦各服御監丞同唐六尚局有尚
有醫師尚醞有酒工尚衣有衣徒尚舍有幕工尚輦
有正供皆分隸其局又置提舉及管幹各一人
唐九寺宋初皆置判寺無常員太常以兩制以上充
丞一人以禮官次者充元豐制始復唐舊大晟樂
成立大晟府置官設屬如大常宗正同唐官
宗正司統皇族以屬尊者知司事設同知判各一人

丞二人王所隸馬光祿衛尉太僕卿少卿丞職
掌同唐官而光祿所隸局曰太官令曰法馬庫曰內
酒坊曰牛羊司物料庫於唐異名使一人以兩省以上
三司太僕所隸羣牧司有制置使一人以兩省以上
官充掌內外廐牧周知國馬之故而察其登耗馬鞍
轡庫有使有副使有監官以諸司副使及內侍充元
豐併入僕寺馬大理寺唐官正而下置推丞斷丞
分左天下奏劾命官至小校及大辟囚以下以疑
請識者隸左斷刑左司直評事詳之特旨委勘者隸右斷刑右
若在京百司事當推治或特旨委勘者隸右斷刑右
所管幹所禮賓懷遠驛中太一宮觀在京寺務司國信
法院左右街僧錄司同文館皆屬焉紹興後廢入禮
部司農大府國子監少監將作軍器並唐官都水舊
隸三司河渠案嘉祐中置監將作軍器並唐官都水舊
水丞勿職蒞事河防有故非外丞能治則使者行視
馬武職有殿前司掌殿前詔班直及步騎諸指揮
之名籍凡統制訓練蕃衛戍守遷補賞罰皆總其政
之宋初有都點檢副都點檢之官太祖在周時寔為
之因不復置置御指揮使副使都虞候各一人

衛親軍馬軍若步軍各御龍諸直捧日天武左右四
官其騎軍步軍諸班軍御龍諸直捧日天武左右四
廂各有都虞候指揮都知承局押官諸職各以其職
隸於殿前司其左右金吾衛各有上將軍大將軍將軍
右官軍衛監門衛千牛衛各武臣之贈典又為武臣責
如唐官然獨以命宗室若武臣之贈典又為武臣責
降散官皇城司掌宮城出入禁今凡周廬百衛之
事幹當官七人以武功大夫而上及內侍都押班以
充而親衛府勳衛府各率其屬日直于殿陛馬東
二上閣門西上閣門使人各率其屬日直于殿陛馬東
各十人祇候十有二人掌朝會宴幸供奉贊相之事
使副承旨舍人傳旨贊謁祇候佐之多以處外或勳
貴馬其帶御器械官無過六人歷邊任有功退閑者
補之紹興為諸將在外者帶職假禁近名示寵焉
開封府尹牧不常置置推知府一人以待制以上充
掌尹正畿甸之事有判官推官四人日視推鞠分事
治而佐其長司錄參軍一人功曹會曹戶曹兵曹位
曹士曹參軍各一人主巡警左右廂公事幹當官四人掌
使判官各二人主巡警左右廂公事幹當官四人掌

檢覆南渡頗微置焉河南應天府有牧有尹有少尹
有司錄戶曹法曹士曹職掌同開判尹不常置知府
事一人通判一人判官推官各一人宋初懲方鎮
之弊奪節度使權無職掌無定負而恩數與執政同
以待宗室近屬外戚國塔年勞又次者若外任除
帥始授之元豐新制改開府儀同三司中興諸將
兼兩鎮三鎮者而承恩使若觀察防團練及諸州刺
史無定負大都督府都督長史職掌同牧尹闕則
置知府事一人判官一人南渡後以見任宰相充則總
諸路軍馬督護諸將制置使不常置掌經畫邊鄙車
旅之事政和始置以內侍童貫將姚古解潛為之
建炎以安撫大使若統兵官充地重秩高者加制置
太使位宣撫使上尋罷不設宣撫使不常置掌布宣
國威撫邊境及統護將帥督視軍旅之事亦以兩府
大臣充副使之佐亦有不置使置副者其屬有判
官總領官之類天子巡守親征則命親王或大臣
總留守事南渡後東西京置留守經畧安撫司使一
人掌所部軍民公獄禁令錢穀兵甲之政令元祐始
置而發運使副判官掌經度山澤財賦漕淮湘江湖
六路廩粟輸中都兼制茶鹽泉貨之政都轉運使有

使副使判官掌經度一路財賦而察其登耗有無以
足上供及郡縣之費歲行部檢察儲積帳籍及吏蠹
民瘼焉其招討招撫招諭諸使不常置為寇盜時設
提點刑獄公事掌察所部之獄訟而審問詳覆決禁
繫其屬有檢法幹辦官提舉常平司掌常平義倉免
役市易坊場河渡水利之法視歲豐歉為歛散以惠
農凡役錢利祿商貨皆總其政令諸皆謂監司州將
官吏得案襍舉刺焉其提舉茶鹽司都大提舉茶馬
司提舉坑冶市舶司各以其職察吏治不職者蓋體
統視監司提舉學事司掌一其州縣學政歲巡所部
察師儒優劣學子勤惰專舉刺之事崇寧二年置尋
罷他故設提舉官無定負宋初罷諸鎮節度分
命朝臣出守列郡號權知府州軍事如之其河南應
已置知府事一人掌其治州軍監亦如之其河南應
天大名則兼留守司公事太原安慶渭熙秦則兼
經畧安撫馬步軍都總管其餘大藩府若沿邊州郡
或兼安撫兼兵馬鈐轄巡檢諸職名凡屬縣之事皆
統焉其公事須長史通判簽議乃行幕職官有簽書
判官廳公事有兩使防團軍事推官判官有掌書記
有觀察支使掌禪贊郡政負數多寡各視郡小大繁

簡為差諸曹官有錄事司法司理司戶諸參軍而州郡各建學各有教授區縣有令掌其治天聖中始置丞而簿尉自開寶中置馬鎮岩監官若沿海控扼要害及地分闊遠則置都巡檢以材武將臣先之各聽於州縣守令焉我

太祖高皇帝受

天命神聖臣下莫能及卓然獨覽古三公論道六卿分職績其意於三代兩漢之上鑒秦始皇始建丞相專權橫放之禍罷中書府以五府六部都察院通政司大理寺分理庶政而統於一尊倣太尉樞密院置五府倣六官置六部列府部於九卿俾輻輳並進以翼戴

天子而峻臣下奏請復立丞相之刑洪武元年既即位改中書

皆左右相國為左右丞相各一人參知政事
三年召山西參政楊憲為右丞陝西參政汪廣洋為左丞已善長進封韓國公加太師廣洋封護軍忠勤伯尋殺憲四年善長致仕廣洋為右丞相胡惟庸為左丞六年出廣洋為廣東參政以惟庸為右丞相十年令韓國公善長曹國公李文忠諱軍國重事總中書省都督府御史臺是年復召廣洋為左丞相十二年廣洋謫海南暴卒道中十三年左丞相惟庸誅死坐奉天殿敕文武群臣言自古三公論道六卿分職自秦始置丞相而亡漢唐宋因之雖有賢相然多小人專權亂政我朝罷相設五府六部都察院通政司大理寺分理天下庶務彼此頡頏不敢相壓事皆朝廷總之所以穩當以後嗣君不許立丞相臣下敢有奏請設者文武群臣即時劾奏處以重刑

制太師太傅太保曰三公
少師少傅少保曰三孤從一侍
品正一
咨機務無定負無專控不置府獨為勲戚文武大臣

兼官加官贈官文官性贈得三孤不生授○乃立宗
人府令正一品掌皇九族六親之屬籍時脩其玉牒譜
系辨昭穆親疎之數登下其名封生卒掌宗室子女
適庶名封婚嫁謚葬之 奏請達材能錄罪過而左
右宗正宗人為之貳經歷主文移○乃立吏部部尚
書一人正二品主天下官吏選授勳封考課之政令總
司政本公制置黜陟以贊于天子侍郎為之貳左右
正三品其屬清吏司四曰文選曰驗封曰稽勳曰考功
司各置郎中一人正五品負外各一人主事文選考功各二人
驗封司各一人勳各一人綜其事司務二人省署抄目受發文移為首

領官文選掌天下文吏銓選作缺改調保舉推陞之
事凡官二萬四千六百八十三人京師一千四百七十
十六人南京五百五十八人外二萬二千九百人
以署職試職實授奠年資以裁革并省兼攝添設註
選量繁簡以薦舉起廢徵召達賢雋以帶俸添註寄
恩冗以降調除名馭罪過以官程課吏治以寧假悉
人情凡入選釐流品平注擢母得相先後凡陞必甫
考不待滿考曰推陞類推上一人取 旨單推上二
人三品以上九卿及僉都御史祭酒 廷推上二人
或三人內閣吏部尚書 勅推上二人若四三人至
五六人唯

上命乃其後制王官不以調王姻不內授大臣之族不得任科道僚屬有旗人下避上傳陞乞陞者許執奏納粟馬銀不得銓府佐州縣正官驗封掌封爵襲蔭褒贈及吏筭之事凡公侯伯勲烈外戚恩澤及闕里大宗各徵其誥券適孽功罪封號以第其世流降除之等以上流馭夷官以誥勅授封贈以進階勲封加贈追奪勵愆良以蔭叙錄任子以等級給散官以考撥差胥筭以須知訓入官稽勲掌勲級名籍喪制之事凡文官五品上始授勲百官黃類登之內府有故則除之凡三年罷解職糾奪喪禁短器謫匿器欽

天監奔喪二月復父母老七十鮮兄弟得終養史名各有諱復姓無漏役名姓更復必登版考功掌官更考課黜陟之事凡內外官三年初考六年再考引請九年通考奏請大臣不註考京官五品下巳亥年考不職者除名冠帶閒住致仕有差留用者降調四品上自陳外官辰戌丑未年考不職者如之內外官有劾章若大臣自陳下者品其良不肖擬去留聽

上王官考察如京官倉場庫官一年考巡檢三年考教官及流外冗官九年陟無過一等惟舉人教官得引選試陞陟無等京官七十五外官六十五致仕其乞致

仕者不限年諸請葬然贈謚蔭必按其滿考被劾與否傳公議以聞以閑劇量殿最以旌其廉政績以貢舉搜遺逸以保留達民情以紀錄懲愆過以謫戍糾罷閑官吏四司各率其屬奉其職贊尚書之政令而部尚書首六卿擬天官冢宰特尊重焉○乃立戶部部尚書擬地官主天下人民戶口田賦征役經費之政令經鹽法邊儲金穀出納之制以贊于

天子侍郎二為之貳司務照磨檢校典磨勘計筭為首

領官屬清吏司四曰民部主天下省府州縣之圖志以周知其地里古今沿革山川險易土田肥瘠寬狹

戶口物產多寡登耗之數曰度支主會計天下存留起運若廩祿俸給之經費曰倉部主天下魚鹽稅課若贓罰之折收曰倉部主兩稅起運倉庾之委積已上念地曹務繁更定為十二清吏司司各理一布政使

司戶口錢穀賦役課程之事而司分民度金倉為四

科郎中負外主事所添設繁簡視所司劇易兼直隸

府州之貢賦贊尚書邦政焉戶尚書侍郎外掛督倉

屬司務二人十三清吏司即中負外郎主事添設無

常負照磨所照磨一人檢校一人所屬衙門寶鈔提

舉司提舉一人副提舉一人典史一人抄紙局廣積

庫承運庫廣盈庫太倉銀庫各太使一人節慎庫印鈔局寶盈局御馬倉理家灣檢校批驗所各大使一人副使一人寶鈔廣庫贓罰庫各大使一人副使

二人甲乙丙丁戊字庫大使五人副使六人吏四十一人外承運庫行用庫軍儲倉大使各一人副使一人以版籍稽賦役以墾荒業貧民以占籍附流民以畸零寄細民以馴野馭羈縻之民以圖帳抑兼并之民以折銀劑米值以平米均田稅以布帛歛庸調以桑棗課農官以芻地給馬牧以里老攝鄉社以律誥嚴禁防以給除差優復以珍異儲上供以鈔錠節恩賞以限田裁異端以賜田懷降虜以封閉密砂鑛以金穀累贓罰以課程闡雜物以關榷市船材以引由嚴茶政以權量和市易以時估約均輸凡獻產詭產漏產朋戶析戶逃戶有禁亂宗類淆良賤遊手遊食有禁毀鈔過錢有禁諸王大臣母得請常課乞閑田其大政具土田貢賦鹽漕邊儲中寶鈔提舉司若局庫倉所官悉隸焉○乃立禮部部尚書擬春官掌天下禮儀祭祀封建朝賀宴饗貢舉之政令叙辨諸秩以贊于

天子侍郎二為之貳屬清吏司四曰儀制曰祠祭曰主客曰精膳儀制掌禮文宗封學校貢舉之事

天子即位 天子冠若納 后若冊立 皇太子若上慈宮徽號若 朝賀 朝見若大宴饗則舉諸儀制辨其名數條上之 報可而令於諸司凡傳 制開讀

表箋學校貢舉文移印章官民服舍皆辨儀式而頒
之諸司凡巡狩親征班師策勲行賞第禮儀條
上凡祥瑞辨其物名類奏大瑞特奏無得請封禪以
蕩上心以鄉飲酒禮讀律誥訓禮讓以養老尊高年
以卹貧宣仁政以旌表章勸勵以建言議利病以連
坐謫戍禁官邪祠祭掌祭饗獻薦天文國卹

廟諱之事辨大祀中祀小祀之等而敬供蠲飭第其牲
帛配侑從介差其禮樂凡王國司府衛所州縣祀典
神示稽令甲而播之百司督日官曆象而在其徵變
日月食起止分而豫移諸司大災異即聞次類聞並

乞脩省凡國喪若品官庶人喪皆辨其同姓九族
異姓母族妻族親疎之等而為三年期大功小功總
之制傳古喪禮損益頒行之凡謚

帝后妃太子太子妃王郡王以字為差次

勲戚文武大臣請祭葬贈謚移諸司覈行能傳公論
定議以聞其侍從勤勞死事官品未應謚若夷王夷
使得特謚凡帝后愍忌祀於陵輒朝不廢務
凡天文地理醫藥卜筮師巫音樂籍其人母得以術
越境興妖妄母藏讖緯玄象凡僧道三年一度度必
通經呪周知冊檢其偽冒而嚴其禁令凡雅樂屬於

祠祭太常領之俗樂領於伶人主客掌戎夷朝貢往來宴賜之事凡番夷辨其五年三年比年年至年再至之貢與其貢物貢途貢使豐約遙徑多寡之數王若使至賓待之差其迎送宴勞賞賚室廬帳幕食料之等嗣封者為請使頒冊於其國諸大酋有保塞功者授冊郊封之以信符徵勘合以金勅諭差發以通事譯夷情以開市平交易以折計收番貨以刑典禁交通凡賜均賞特賞各有差凡域中歲徵其方物有常式精膳掌宴饗牲牢酒膳之事凡膳羞珍品酒醴光祿領之會其數程其出納凡馳宴辨職官品秩之

等凡番夷土官辨下程宴次食料多寡之等凡厨役

僉諸民次僉諸王府典膳之次者凡歲藏冰出冰

移所司謹潔之諸皆贊尚書首領曹屬官如天官司

二人四司即中司一人負外司一人主事各二人提督四夷館主客主事一人鑄印局有使副使教坊司

有奉鑾左右韶舞右韶舞左右司樂 ○乃立兵部擬夏官尚書一人掌天

下武衛官軍選授簡練若鎮戍廐牧傳郵之政令經

戎馬之治以贊于

天子侍郎二人為之貳屬清吏司四曰武選曰車駕曰職

方曰武庫武選掌武官選陞襲替功賞之事以世官

流官定武職以襲替優給厚武功以首功四戰功二

等辨武功以減革通苦清冒濫凡歲六選官二等曰
舊官曰新官凡推陞勲臣若武舉薦舉會舉以二人
請凡將材三歲武舉六歲會舉歲薦舉皆籍而用之
以考選比試達才而程力以効功課將帥以迓降練
卒徒以貼黃正圖狀以誥勅徵初績以褒卹勵死戰
以優養恩故絕以引類登選簿以殺降失陷避敵激
變肅軍機以典刑敗倫行劫退陣斷世祿以寄祿馭
恩倖以覆訊糾捕緝辨以誥勅冒偽正土官夷官具詳
制軍車駕掌輿輦車乘守衛廐牧郵傳之事凡大朝
賀大禮儀陳鹵簿大駕常朝設陞辦其物數而序次

之凡侍衛 殿陛全直常朝番直凡守衛親軍衛畫
前左右後四行而日夜巡鑿之皆有團伍定其多寡
第其番之上下 慈宮 中宮之鹵簿 東宮儀仗
侍衛皆屬焉凡馬政受牧官籍帳而程督其登耗闌
逸之數以營牧節芻秣以印俵防欺冒以色齒覈抵
謾以糧馬征南夷以茶馬通番以市馬縻東夷皆
以足軍實令京營邊鎮毋乏馬凡傳郵曰驛曰遞運
所在京師曰會同館皆以符驗關券行之以黃馬快
船致貢獻而練水軍職方掌地圖軍政城隍鎮戍簡
練征討之事凡諸邊腹疆界地里遠近險易三歲一

報官軍車騎之數亦加之而辨其扼塞守禦之令凡
軍制內外相維自五府司衛所以達夷官各統其官
軍及部落聽征調守衛 朝貢保塞之職而武官不
得輒下符行軍凡城隍以時浚築閱視凡鎮戍以時
飭屯防扼險要凡將校程其勤逸稽其什伍存逸騎
械精頓之數教以坐作進退疾徐疏數之節金鼓麾
旗之號凡將材籍武舉會舉歲薦之士而簡用之凡
有征討請命將出師移所司以懸賞罰調兵食紀功
過軍有功按御史紀覈移武選陞賞以堡塞障邊徼
以烽堠傳聲息以清勾驗補收垛問發冒漏除豁覈

冊籍以存恤優初役以壯快簡鄉民以關津詰奸盜
武庫掌戎器符勘尺籍武學新隸之事凡戎器守衛
邊鎮有征行准諸司移工部請給火器請內府凡使
人出邊關必驗勘合凡 制勅調邊兵必比勘合勘
合皆出內府凡尺籍衛所上缺伍圖冊府縣上軍戶
文冊下諸省司按勾衛所即去府縣近不得輒相移
凡清軍以跟捕紀錄開伍結除停勾嚴稽其冒漏而
寬其 恩復凡武學教武職幼官及子弟未嗣官者
籍其功能歲終檢奏六年一會舉應文武舉者聽怠
不率教者罰黜有差凡皂隸直衙柴薪二等辨官品

而多寡其數並顧役諸皆贊尚書諸首領曹屬官如

春官司務二人武選車駕職方郎中各二人武庫郎

人武庫車駕主事三人山海關職方主事一人所屬

京衛武學有教授訓導會同館有使有副使大勝關

有大使○乃立刑部部尚書一人准古秋官掌天下刑

名徒隸勾覆關禁之政令欽恤明慎以贊于

天子侍郎為之貳置十三清吏司如戶曹主兩京十三

省之奏當司務二人十三清吏司司郎中一人負外

磨所照磨檢校各一人主事三人漕運理刑主事一人照

人司獄司司獄六人凡宗室勲戚官吏軍民麗於法

者詰其辭察其情偽傳律例而比其罪之重輕律例

所不及者上下附而以請凡兩畿十三省歲讞其死

罪刑平之凡詔獄必傳例請上裁凡應減者下就

輕應加者上就重重不得至死凡律例有殊旨別

勅詔例榜例非經議請著令者不得引為比凡死

刑即決及秋決並三覆奏蒞戮於市凡贖罪視罪輕

重為差斬絞雜犯從末減者聽收贖凡簿錄俘囚配

沒給賜官私奴婢必籍知之凡籍產不得及其先墳

坐凡贓罰計估易銀歲杪類入內府凡獄成移大理

寺讞評焉凡訴冤外內皆自下而上急者擊登聞鼓

凡重囚京師歲霜降會五府九卿科道共慮之以請情真者決矜疑者戍邊有詞者調所司再問比律

者監候五歲請勅遣官出京府兩畿十三省審錄減釋寃濫者凡夏月錄囚免笞刑減徒流而下刑辨重刑凡提牢月更主事一人葺圉固固械繫而時其飲食有病醫藥之凡官有過紀錄之兩京歲抄請勅湔除紀過凡大祭祀止刑凡四方有獄受命而往成之以名例攝律條以以准皆各其及則若括律詞義以五服參情法以墨涅識竊盜宗人不即市宮人不即獄悼耄癯殘不即訊○乃立工部部尚書人準古冬官掌天下工役農田山川藪澤河渠之政令經制規畫以贊于

天子侍郎二為之貳其屬清吏司四曰營繕曰虞衡曰

都水曰屯田營繕掌經營興造之事凡大內宮殿

陵寢城壕壇場祠廟廨署倉庫營房之役鳩力會財

而以時督程之王邸亦如之凡鹵簿儀仗樂器移內

府及所司各以其職治之而以時省其堅潔董其窳

濫凡置獄具必如律凡工匠二等曰輪班曰住坐凡

工囚二等曰正工曰雜工雜工三日當正工一日凡

省工視役煩簡而節其財力凡會有無移內府虞衡

掌山澤採捕厲禁陶冶之事凡採捕禽獸及革骨羽

毛以供祭祀賓客之膳羞凡軍器軍裝移內府及所

司歲造或三歲一造必程其堅緻以給邊凡獵畋以時冬春之交畧不施川澤春夏之交毒藥不施原野苗盛禁蹂躪穀登禁焚燎若害獸聽為陷穽獲之賞有差凡諸陵山麓不得入斧斤開窰治置墓墳凡帝王聖賢忠義名山嶽鎮陵墓祠廟有功德於民者禁樵牧凡山場園林之利聽民取而薄征凡陶冶瓷甃籍其常造年造之數計其入慎藏之無輒毀以費民凡鑄造審其模範計銅鐵而鎔之金牌信符鑄之內府鑄錢當十當五當三折三小錢進內府凡顏料徵土產不強其所無否則徵其直都水掌川澤陂池泉灤洪淺道路橋

舟車織造券器衡量之事凡水利曰轉漕曰灌溉歲儲其金石木竹卷埽以時脩其閘壩埭淺堰圩隄防謹蓄洩以備旱潦舟楫磴碾不得與灌田爭利灌田者不得與轉漕爭利役以農隙凡鱗介荏蒲之利聽民取而薄征凡道路塞其坑坎

上巡幸若大喪大禮治而新之凡橋渠曰舟梁曰石梁計工力而創脩其大津不能梁官給舟人量其小大難易而食之凡舟車曰大車曰小車曰戰車凡三等船曰糧曰黃船曰馬快船曰海運船曰鮮船曰備倭船曰戰船凡七等皆會其財下諸司酌多寡夕近勞

逸而均劑之凡織造冕服誥勅制帛祭服淨衣諸幣
布移內府南京諸省周知其數而慎節之凡公侯伯
鐵券差其廣高凡祭器 冊寶乘輿牌符襍器會則
於內府凡衡量謹較勘而頒之懸式於市屯田掌屯
農墳墓抽分薪炭夫役之事凡屯田腹邊公田閑田
沒官田給衛所耕劑其地力人力而徵其子粒凡在
邊牛犁鐵器官給之凡墳塋堂碑碣獸第宗室勲戚
文武官之等而辨叙其差凡抽分征諸商各有差凡
薪炭南取洲汀北取山麓徵諸民有本折色酌其多
寡而撙節之凡夫役伐柴轉柴皆顧役周知其數而

時蠲之諸曹皆贊尚書首領部曹官如夏官先是部
屬中書省尚書秩三品其後罷中書省陞六部正二
品蓋析一相而六設官六百有五人分領中書之政
部統諸省司諸省司掌天下之務繩井聯絡畫制也
而本古官六計主廉部諸司皆命曰清吏司○乃立
都察院設左右都御史正二人準漢御史大夫設左右
副都御史正二人左右僉都御史正四人準古中丞十三
省若邊防山海之重各設都御史若副僉都御史以
巡撫總督填焉而鹽法屯田漕河及總制征討即遣
尚書侍郎必兼都御史銜便提督糾劾時設無常負

都察院屬經歷司經歷一人正六品都事一人正七
司務二人從九照磨所照磨一人正八檢校一人正
九十三道監察御史正七河南浙江江西山東各十
人福建廣東廣西四川貴州各七人陝西湖南廣西
各十八人雲南十都御史主天子耳目風紀之司率
其屬肅紀守法以贊于

天子凡大臣奸邪小人構黨作威福亂政者劾凡百官
猥茸貪冒壞官紀者劾凡學術不正上書陳言變亂
成憲希進用者劾而朝覲考察都御史入天官臺

司賢否黜陟之斷大獄重囚會鞫於外朝或奉

旨同刑部大理讞平之其奉勅差者內地拊循外

地防鎮各以其勅行事屬十三道監察御史主察

糾內外百司之官邪或露章劾或封章奏劾凡差

在內京畿道刷卷巡營軍提學清恤軍巡視光祿巡

倉庫城門在外巡按清軍刷卷巡鹽茶河關印馬屯

田師行則監軍紀功各以其事專監察而御史巡按

則代

天子狩轄所按藩服大臣若府州縣官諸考察舉劾尤

專大事奏裁小事立斷而河南道獨專諸內外考察

之司凡朝會糾儀祭祀監禮凡政事得失軍民利病

得直言無避凡罪囚按巡審錄有故出入理辨之凡

大獄勅下臺推奏當上聽裁常獄擬罪移評大理

寺凡有大政集 闕廷預議焉蓋六部至尊重然有
專司而都察院惟所見開得糾劾無職司乃憲綱諸
御史糾劾務明著實迹開寫年月毋虛文泛詆訐拾
細瑣抑戒令慎重焉而御史出 按復 命都御史
覆其稱職不稱職以 聞又御史犯罪加三等有賊
從重論○乃立通政司設通政使準古納言使一人
正三左
右通政各一人正四左 右參議各一人正五騰黃右
通政一人經歷 司經歷 一人知事一人洪武初為察
言司革十
年復置 主出納
上命通達下情凡諸司出入移狀奏報四方臣民建言
陳悃之實封及軍情聲息災異皆審署參覆而上下

馬左右通政及參議為之貳凡日常朝引奏人凡事
月類奏歲抄通奏凡四方兩澤歲抄面奏凡錯誤籍
而類請之凡在京獄訟詞狀判送法司推問凡出入
文移以驗正之記日照之記記之錄武官黃○立大
理寺準古廷尉正卿一人 職掌審讞允反刑獄之政令
少卿丞為之貳少卿二人正四丞二人正五寺分左
右置左右寺正正六寺副從六評事
正七吳元年置洪武九年革十四年復置二十贊
二年陞與六部都察院通政司在曰大九卿
天子祥刑與刑部都察院並列為三法司凡刑部都察
院推問刑名按律例慮而復問囚服乃准擬否駁再
擬改正日照駁三擬不當糾問官曰參駁悟律寃甚

者移調問曰番異再異則請下九鄉會問曰圓審已
平允慮未當移再問曰追駁屢駁不改者徑奏請

上裁曰制決凡各省三司直隸諸死刑並謝已乃聽決

每歲會九卿朝審重囚○太常寺專祭祀禮樂之

司卿一人三品少卿二人正四提督四夷館少卿一人典簿二人博士二人神樂觀提點一人知觀一人

祭署奉祀一人丞二人地壇及朝日夕月祈穀殿各

有祠祭署奉祀一人丞一人長陵 獻陵 景陵 裕陵 茂陵 皇陵 孝陵 太陵

祠祭署各奉祀一人丞一人凡天地神祇之祀饗總其官

屬籍其政令以聽于禮部贊

天子致虔先歲孟冬進來年祭日

上御奉天殿受之頒諸司

上親祭贊禮儀大臣攝亦如之祭先期請省牲進版銅

人上殿奏齋戒凡薦新品物光祿寺共凡國有

冊封冠昏營繕出師歲時有旱澇國有大災請告于

郊廟社稷凡親王之國若入朝還國告謁辭于

廟凡祭條器饗奉香燭玉帛張帷必恭潔司九奏八奏

七奏六奏之樂文武二舞凡祭掌燎看燎讀祝奏禮

對引司香進俎舉麾陳設收支導引設位典儀通贊

奉帛執爵司尊罍洗卿貳若屬各共其事而提督四

夷館卿掌譯書之事以聽于翰林諸夷館譯字生覈

其業裁倖進焉○立光祿寺掌祭饗宴勞酒醴膳羞

之事卿一人從七錄事一人從八正五丞二人從六典簿

丞四人監事四人司牲司牧局各大使一人厨役寺

久得為王典膳移吏部吳元年置宣徽院後改

辨其名數會其出入量其豐約以聽於禮部凡祭祀

請眎牲進飲福酒胙凡薦新其品物凡喪葬供祭物

凡牲果嘉蔬移上林苑共不給市諸民視時估十加

一凡市直季支凡貢獻果鮮厨料省受之凡器皿移

工部若募工兼作之歲省其成敗凡宴待番夷貢使

差其等供之凡傳奉宣索籍記而覆奏之監以科道

官各一人其屬四署曰大官供祭祀宮膳節筵曰珍

羞供宮膳良醞供獻膳宮均給內掌醞供祭祀齋

署唐司牲司牧二局隸焉○太僕古官少卿一人從三人

四寺丞三人正六其屬主簿一人常盈庫大使一人國初寺設于滁州及定

都設于京師而滁山西陝遼東並為行太僕若苑

馬監治馬掌牧馬之政令以聽于兵部少卿則分督

京營馬若畿馬丞分理京衛若畿甸及山東河南六

郡孳牧寄牧馬三年而更凡馬肥瘠登耗籍其毛齒

而時省之三歲偕御史一人徃印烙而差擇之選其

良凡草場歲徵其租金國災祲出以佐市馬凡租金

恩蠲或災蠲不得兼即蠲必轉移相抵不得虧軍賦

而寺主簿勾省文移常盈庫征馬金貯焉○鳴臚寺

專朝儀朝會賓客吉凶禮儀之事卿一人正四人少卿二人從五人

從屬署二曰司賓典四夷朝貢首從辨其節曰司儀陳典

設引鳴贊贊禮序班侍班而齊糾其儀○尚寶司古

符璽郎周典瑞職也卿一人正五人少卿一人從五人正六職在禁廷

守寶璽符牌印章而辨其所用用寶奉以從既事而

藏之洗寶與內官印綬監俱而恩蔭寄祿無常負○

太醫院使一人正五人判二人正六使一人副一人正八惠民藥局大使一人副使一人

生藥庫大使一人主診主診攻療調養之事於周為醫師

凡醫術十三科醫生世專科習其業曰大方脉曰小

疾除已瘡魅今無傳而惠民局生藥庫各有使有副隸

焉凡調御藥同內官監視合二服為一候熟均二器

堂屬官迺嘗之內官又嘗之以其一進御○欽天監

主曆數天文星紀之事監有正一人有副二人而分

春夏中秋冬為五官各一人五官正六專理曆法造曆

司曆監候佐之靈臺郎七辨日月星辰之躔次分野

以占候天文密疏聞保章正八佐之挈壺正考中星

旦夜昏明之候而漏刻博士九佐之凡日月星辰風

雲氣邑之變異率其屬登觀象臺占焉臺四面四面

瘡瘍曰鋪灸曰眼曰口齒曰接骨曰傷寒曰咽喉曰

金錫曰按摩曰祝由而按摩以消息導引之法除八

疾祝由以呪禁祛而惠民局生藥庫各有使有副隸

除已瘡魅今無傳而惠民局生藥庫各有使有副隸

焉凡調御藥同內官監視合二服為一候熟均二器

堂屬官迺嘗之內官又嘗之以其一進御○欽天監

主曆數天文星紀之事監有正一人有副二人而分

春夏中秋冬為五官各一人五官正六專理曆法造曆

司曆監候佐之靈臺郎七辨日月星辰之躔次分野

以占候天文密疏聞保章正八佐之挈壺正考中星

旦夜昏明之候而漏刻博士九佐之凡日月星辰風

入國有大營建師旅冠昏擇日營陵寢擇地凡立春
先期候氣于東郊凡大朝賀設定時鼓於門樓及期
擊馬凡日月交食先期筭其分抄時刻起復方位以
聞下禮部移內外諸司救護之凡疇人世業立師而
教之乏人移禮部訪取試用○行人司正一人正七
副二人從七
六人正八職專奉使之事凡頒行 詔赦 冊立宗
藩撫諭蠻夷徵聘才賢及賞賜慰問賑濟軍旅祭祀
序差馬凡法司謫戍囚徒送五府者填精微繳內府
○上林苑監主苑囿園池畜牧種樹之事正一人正
五左右副
二人正六左右監丞二人典簿一人督其養戶栽戶經其養地栽地而

畜植之以供祭祀賓客官府之膳羞屬署四曰良牧
主牧牛 曰蕃育 主育鵝 皆籍而課其息曰林衡主果
實卉
羊豕 曰嘉蔬主藝
瓜菜皆籍而時苞進馬洪武間議開上林
上以爲妨民業而止永樂中設今監于 京師苑地東
至白河西至西山南至武清北至居庸西南至渾河
禁圍獵馬諸寺司院監各有首領官或經歷或主簿
或典簿而五軍都督府有經歷司司有經歷都事五
城兵馬指揮司司有吏目皆文銜以至僧錄道會亦
各有品官僧錄司左右善世左右闡教左右講經左
右覺義各一人道錄司左右正一左右演
法左右至靈左右玄義各一人
神樂觀有提點知觀皆道士

國初立大元帥府已改為大都督府已又分中左右

前後為五軍都督府左右都督各一人正一都督同

二恩功寄都督掌軍旅各領其都司衛所以達於兵

部而以公侯伯三等祿武功都督府負缺於列爵中

遴其人以充居曰軍政掌印出充總兵掛印以行設

錦衣衛等上十二衛以衛宮禁錦衣衛旗手衛金吾

左衛羽林右衛府軍衛府軍左衛府軍設留守等四

十八衛以衛京城上十二衛為親軍指揮使司番上

宿衛無隸屬而諸衛分五軍都督府轄焉留守左衛

潘陽右衛驍騎右衛鎮南衛龍虎六衛隸左府留守

右衛虎賁右衛武德衛三衛隸右府留守中衛神軍

衛和陽衛應天衛牧馬千戶所隸中府留守前衛龍

驤衛豹韜衛隸前府留守後衛武城中衛神策後衛

忠義左衛忠義右衛忠義前衛忠義後衛義勇前衛

義勇右衛大寧前衛大寧中衛蔚州左衛會州衛富

峪衛寬河衛興武衛鷹揚衛神武左衛隸後府

而改前北平三衛為金吾左右衛為羽林前衛改北

平都司為燕山左右衛為大興左衛為濟州通州衛

是為上十衛與騰驤左右武驤左右四衛亦得名親

軍重 帝業自起焉其武功中左右衛以匠故隸工

部其諸 陵依 陵設衛衛陵廟不隸督府亦不稱

親軍凡武職流官世官土官襲替優給優養所衛都

司上之府引奏送兵部請選既選移府下都司衛所

凡首領官聽吏部選授給由亦如之親軍衛得直達
兵部凡武職誥勅旗役併鎗水陸步騎操練俸糧屯
種器械舟車賞賜聲息軍情清勾替補邊腹畫圖貼
說薪炭荆葦之事分移所司綜理之經歷都事典文
移錦衣衛掌侍衛之事恩功寄祿無常員恒以都指
揮都督領之凡將軍力士校尉分番護 駕直宿巡
察凡 大朝常朝 駕出入設鹵簿儀仗凡 皇城
四門日夜番直巡鑿之凡盜賊奸宄街塗溝渠密緝
而時省之凡奉 旨鞠獄錄囚勘事與三法司從事
凡比試併鎗監視馬鎮撫司掌衛刑名兼理軍匠添

設鎮撫二人別印分司專

詔獄擬成直達下法司

覆 京衛皆有指揮使

正三指揮同知

從三

指揮僉事

正四

衛有鎮撫

從五

衛統千戶所正千戶

正五

副千戶

從五

實授

百戶

正六

試百戶所有鎮撫五年一廢置曰考選戎政

衛三人所二人百戶不能皆賢一人兼數印凡總領

庶務曰掌印曰僉書凡分理屯田驗軍存恤營操守

衛皆曰見任管事選同知僉事正副千戶以充營官

亦如之不任事入隊曰帶俸差操凡入營者聽京營

文武大臣督理南京五軍都督府用公侯伯中東西

南北城兵馬指揮司指揮

正一

六人

掌巡捕盜賊街道溝

渠囚犯火禁之事副指揮五人貳之吏目受事發展

○內官初置內使監有令有丞內倉監有令官母過

五品後定為內官監門司局庫分職于掖庭監十有

一曰神宮監掌洒掃曰尚寶監掌王寶勅符曰陵神宮

監掌洒掃曰尚膳監掌王膳及宮中食用催光曰尚

衣監掌履鳥靴襪等事曰司設監掌車輦牀被曰內

官監掌成造御用儀仗鹽倉水窖造婚曰司禮監

掌冠婚喪祭禮儀制帛及御前勘合賞賜筆墨書

畫管長隨內使人等出門馬牌准督光祿寺造辦

曰御馬監掌馬九馬御曰印綬監掌誥券帖黃印信曰直

殿監掌洒掃殿庭監各有太監正左右少監從左右

監丞正典簿長隨奉御正奉天門 午門 端

門 承天門各設門正正門副從四掌晨昏啓閉關防

出入之事置司二曰鍾鼓掌奉先殿祭樂御樂曰惜

薪掌宮內司各有正正副從五官凡局六曰兵仗掌內

器并督造掌宮內曰內織染掌染造曰針工掌成

梳篦刷牙針剪等曰內織染掌用改疋曰酒醋麪局

服曰巾帽掌內官紗曰司苑掌種蒔宮曰酒醋麪局

各有大使正左右副從五凡庫三曰內承運庫掌段疋

王象牙曰司鑰庫收藏寶鈔并曰內府供應庫上用香

鈔物曰司鑰庫收藏寶鈔并曰內府供應庫上用香

米香燭各有大使正左右副使從後又置都知金銀

油米各有大使正左右副使從後又置都知金銀

作局而東宮有典璽典藥典膳典服典兵典乘王府

等唐六局二十四司以上請選良家子以充

上曰數過多宜防女寵垂將來法遂定制如上後念六

局官服勞夕命五六載得歸其父母從宜婚嫁年高

者許歸終天年願留者聽其在宮闈及授職者家給

祿視外品官

我

太祖高皇帝既革中書省總萬幾獨運乃重六科科列

署於掖門內特親已乃遷掖門之兩翼洪武初名起

居注已準周制改元士八十一人又稱源士謂政事

本原也後定用部名分六科科各都給事中正一人左

右給事中科各一給事中吏科四人戶科八人禮科

工科四人科視事繁簡為制負為

天子親吏掌侍從規諫補缺拾遺分察六部百司之事

而糾其弊誤凡制勅宣行大事覆奏小事署而頒

之有失封還執奏凡六部百司軍民所上章下讀而

署之駁正其違失而主德闕違朝政得失百官賢

佞小許專達大許聯署奏聞凡日朝六科輪一人立

殿左右珥筆記旨凡大事廷議大臣廷推大獄廷

鞫六掌科皆與凡諸司題奏日附科籍五日一銷註

覈羈緩朝參門籍六科流掌內官傳旨下覆奏得

旨而後行於周為保氏掌諫王惡漢諫大夫唐補闕
拾遺之任也定秩僅正七品地親切防專恣漸焉○
中書舍人故隸中書省以名官與翰林學士分掌內
外制稱兩制今制二十人無正貳印屬資深者主書
誥勅冊符鐵券而草請翰林院寶請內府權輕甚而官
屬內閣為清銜○乃重翰林院定設學士五人侍
讀學士貳人侍講學士二人皆為正官侍讀侍講各二人
正五經博士五人待書二人待詔九人為屬官脩撰二人
從編脩四人檢討四人為史官而孔目為首領官自
國始基陶安以翰林學士咨謀猷文章潤色鴻業尋

開文華堂選天下舉人年少質美可進學者唯等擢
翰材編脩入肄業其中詔大儒宋濂桂茂良為之師
上政暇輒幸堂考業而光祿日給饌皇太子諸王
日迭主焉賜冬夏衣賜白金鞍馬已又選成均之秀
者入武英堂俾練聞政事尋擢給事中其後既罷中
書省監察御史許士廉請復三公府不聽而命翰林
春坊官入看詳諸司奏啓平駁之平允則列名封進
署曰翰林院兼平駁諸司文章某官某進蓋隱然古
中書之職已定制為五品官學士掌詞翰禮文草誥
勅詳正圖書考議制度以文學備顧問出入侍從參

謀議凡經筵日講脩書皆承受而統領焉講讀職專
勸講經史五經博士業專經佐學士講讀待詔主應
對以四體侍

上書於唐為供奉官典籍守古今四庫書籍史官掌脩

國史凡天文地理宗潢禮樂兵刑諸大政

上所下詔勅書檄謹籍而記之以備實錄為

上心簡注者得入 內閣豫機務兩直隸鄉試禮部會

試充考試官萬曆初申飭日講史官從閣臣後記注

起居及密勿謨議別揀史官分曹纂諸司章奏題覆

月封送內閣藏焉○建詹事府府有詹事正一人有少

詹事正四人有府丞正二人有主簿從七人錄事從九人通事舍人

而左右春坊有左春坊大學士各一人有庶子正五人

諭德從五人有中允正六人贊善司直從六人清紀從七人司諫從八人右春

坊亦如之而司經局有洗馬從五人校書正九人正字從九人皆官

僚洪武初建大本堂取古今圖籍充其中召四方名

儒教 太子諸王 太子居文華堂諸儒專經面授

分番進直迭班侍從

上時時賜宴賦詩商畧古今紬繹文學其時東宮官皆

勲舊大臣兼領不別置後始設詹事院已更名府設

左右春坊司經局皆別署而詹事府總焉已令春坊

翰林院日二人進講尚書春秋資治通鑑大學衍義
貞觀政要諸書纂述始終大義為講章呈

上覽已赴 文華殿為 皇太子陳說太子三師三少
詹事府鴻臚寺官各一人侍召則同入有留身獨進
者給事中司直清紀即劾而

上日所處分府部軍國諸大務及撫諭四夷恩禮坊局
官日陳說於東宮已又選秀才張宗濬等隨宮僚分
直文華殿侍講畢進說民間利害田里稼穡古今孝
弟忠信文學材賢諸故事尋命廷臣舉孝義篤行之
士充東宮官其重慎也如此右春坊大學士典 東

宮 奏請啟箋講讀之事審慎而監省之庶子諭德
中允贊善各以其職為之貳凡 東宮監國撫軍出

狩及朝會出入覆啟畫諾審署移詹事凡祥青啟告
若伶僕改變新聲導逢非禮者陳古義申典制糾正
之請青遠其人凡內外庶政可為規諷者隨事贊諭
司直主彈劾宮僚糾舉職事清紀郎佐之司諫掌拾
遺補過以鑒誠為箴誨洗馬掌經史子集制典圖書
之事而校書正字掌繕寫潢裝詮其訛謬調其音切
焉其太子太師太傅太保從一太子少師少傅少保正二
太子賓客正三不列於詹事無專授獨為勲戚文武大

臣兼官加官贈官○乃建國子監監有祭酒正一人掌國學舉人貢生官生恩生功生例生夷生幼勲臣訓教之事司業正一人爲之貳脩古樂正成均之政令其教以明體適用孝弟禮義忠信廉耻爲之本而六經諸史爲之業以升堂積分及格叙用之法而勵翼之不率者扑之不悛徙謫之詳具學校記中以廩饌膳師生以力役給厨膳以賜予示恩賚以寧假悉人情以撥歷練吏事以考選汰冗濫歲中春秋上丁祀先師則總其禮儀

上謁先師幸太學祭酒司業執經進講義馬屬有監丞

正八坐繩愆廳參領監事諸師生怠教不率教及膳廩不潔並糾懲書識之而堅明其束約博士坐正八博士

廳分經訓授助教從八學正九學錄從九坐正義崇志廣

業脩道誠心率性六堂專教誨嚴程課講說經義導約之規矩典簿從八典出納文移受支金錢爲師生饌季報諸生課業倣書以聽于翰林歲抄奏上於是禮部翰林詹事春坊司經局若國子監官聯相通流而遷補因之獨稱華重矣○洪武中放宋制置

殿閣學士吏尚書邵質檢討吳伯宗爲華蓋武英殿大學士翰林學士宋訥典籍吳沈爲文淵閣東閣

大學士皆侍 左右備 顧問然不得平章軍國事
如異時已召耆儒鮑恂張長年俞銓至命爲 文華
殿大學士三人辭不就而 殿閣大學士始於此
文皇帝入踐極念機務殷重欲廣聰明措天下於理也
開內閣于東角門簡翰林待詔解縉爲侍讀擢中書
舍人黃淮王府審理楊士奇爲編脩進脩撰胡廣爲
侍講編脩揚榮爲脩撰召戶科給事中金幼孜桐城
知縣胡儼爲檢討皆以翰林院銜入直文淵閣爲腹
心日百官奏事退內閣臣造 宸前密勿謨畫率漏
下數十刻始退諸六部大政咸共平章秩五品而恩

禮賜賚率與尚書並蓋內閣預機務自此始是時閣
中有文淵閣印章獨與諸司異凡封進 詔草若
登答章奏用之不得下諸司即下諸司以翰林院印
諸司上內閣亦獨稱翰林院而翰林院爲內閣官已
上命吏部言廣等侍朕久繼自今考滿直內閣者勿補
外然其後縉出爲交趾參議 淮溥下 詔獄早卒
士奇榮幼孜事
上二十三年官不過五品蓋慎重如此而 制三公三
孤不以授

昭皇帝渙烏淵衷復命公孤官謂侍臣曰此

皇祖制也

皇考明聖可無事此官朕冲人歷天下事之日淺豈自謂能無保傅何望已又設謹身殿大學士既又建弘文閣諭大臣曰卿等各有職務朕欲得學行端謹老儒數人日侍燕閑備顧問可咨訪以聞士奇等以翰林侍講王進蘇州儒士陳繼對命學士傳旨繼授五經博士掌閣事進佐之尚書義舉學錄楊敬訓導何澄敦實即授敬編脩澄給事中皆直弘文閣於是華蓋謹身武英三殿及文淵閣東閣俱有大學士而東閣文淵閣大學士不得旨入內閣亦不得預機

務也景泰時都御史文

王

實始以孤卿入內閣而內

閣大學士始領吏部尚書兼保傅銜職機務如故自是益隆重乃後部尚書若卿必夙處禁林列吏禮者乃得入殿閣預機密餘臺省不與嘉靖中

天子至明聖始時以獨斷專拔擢而博疇咨於會推已名奉天殿為皇極殿華蓋殿為中極殿謹身殿為建極殿而大學士因名官如初時有負違旋就屏逮隆慶初大學士拱以青宮恩以少師入內閣出筦吏部則奧樞內秉大鈞顯兼職業崇於中書體統尊於公孤儼然周宰漢相上矣殿閣大學士預機

務者主出納

帝命奉規陳誨獻納謨猷六部百司諸題奏入擬議批
答票以請凡 上所下曰詔曰誥曰制曰勅曰冊曰
諭曰書曰符曰令曰檄皆審署申覆而調劑焉平允
乃行凡下所上曰題曰奏曰啓表箋曰講章曰書狀
曰文冊曰揭帖曰制對曰露布曰譯皆審署申覆而
裁畫焉平允乃下經筵則知其事 東宮出 閣講

讀則領其事脩

實錄史志諸書則充總裁官

實

錄成呈訖焚其草

禁中凡宗室請名請封及諸大

臣請謚並擬上凡

郊祀

巡狩扈

上行凡

累朝御文實錄寶訓玉牒之副若古今書籍皆籍而藏
之凡 會勅稽其由狀叙述上請凡會試 廷試國
子生課歲貢生試譯字生試皆總領之凡 詔制
詔勅及一應機密文書下王府 勅符夷王敕若書
若勘合皆稽典故起草進下誥勅房書辦而漏泄稽
緩遺失妄誤者罰之然初 制 殿閣大學士不得
壓九卿九卿奏事不得關內閣以爲常
祖宗朝嚴於豫防而廣於求賢故能削相之號而收其
益諸閣學士造膝陳謨露章抗論世載其贊襄四海

賴焉諸大者具閣謨中且夫天以紫宮樞極統萬象而居所不動不自顯其光所以爲神也帝以道揆法紀統六合而師保疑丞左右密勿不自勞於事所以爲聖也故天子無爵三公無官天子非無爵也首庶物爵天下而不列於爵曰無爵也爵天下而列爵其中則何以命爵三公非無官也論道經邦經天下而不經其官曰無官也經天下而自經其官則何以治官故周官論道而不及以六政語尊道也九經尊賢而不列之大臣語貴德也且夫天地者道之本也陰陽者道之運也三公者洞明幽之故探元化之統備

淵浩之德神而明之默而成之不言而躬行之者也三孤者慎觀三師之德行而審喻之者也公調而燮之孤寅而亮之公微言而篤行之孤審象而承弼之然後能襄王於天而道揆立焉是與樞之任也孔子曰脩身則道立尊賢則不惑謂此也苟以道揆之職而復責之法紀之司雖聖智不任且是亦何可得任也乃其自家宰而老入爲師保有之矣周召是也外倦勤於政內深喻於道故使之釋政而任道是父師之任也非其爲師保而行冢宰也以師保之尊而尸冢宰之任政之失必自此始矣是明聖之所不處也

傳者失之也且夫王者之於道也猶天之運也天一
息不運將恐絕王者一息不運將恐廢是不可須臾
離焉者也蓋昔者武王克殷未下車訪箕子而受洪
範焉踐阼三日就師尚父齋宿三日折行西面再拜
受冊書焉明堂之位曰篤仁而好學多聞而道慎天
子疑則問應而不窮者謂之道道者導天子以道者
也常立於前是周公也誠立而敢斷輔善而相義者
謂之充充者充天子之志也常立於左是太公也潔
廉而切直匡過而諫邪者謂之弼弼者拂天子之過
者也常立於右是召公也博聞強識續志而善對者
謂之丞丞者承天子遺忘者也常立於後是史佚也
王中立聽朝而四聖維之是以動無失德舉無過事
殷周之所以長久者以輔翼天子有此具也書曰一
人有慶萬民賴之謂此也師道之教誨傳傳之德義
保保其身體三者不備王德之失必自此始矣是明
聖之所不爲也是故三公不備官也而以六卿攝之
則三公之職廢六卿各有官也而上攝三公則六卿
之職亦且廢三公之不能必備也而一不備其官是
以不能備而成其大不備也道揆之失必自此始矣
道揆失而王人自聖何六官之足維乎故三公不備

官而以爲兼官若加官也傳之者失也且夫三公謹道揆握治樞於奧六卿司法紀宣道治於明譬之猶天之樞極以不動爲之轂而二十八舍以旋其爲之輻也譬之心統五臟居中以營魄耳目鼻口四肢百骸具體而爲人也奧者明之根明者奧之符不求端於奧而求以理明者末也旣握樞於奧而兼以理明者諄也且心智亦神矣胡不以其形而代四肢百骸者以形用也是明聖之所不能也後世釋道而任政釋政而任術於是焯焯然命百司以職守欲以宰割天下而盡制其命也又慮夫執政行政者中擅其權而外行其私也規規然日擇其最所親信之臣以爲耳目心膂之官摘抉其章奏違誤復逆舛繆者以爲大故而糾繩之以爲大僚百司不得售其詐行其私而吾得密制其命也然疑心而信耳目疑耳目而信簡書而政之失始此矣何也輕其任則貴謀賤小加大而政出於多門重其任則遠者加䟽近者加親而威成於一尊始也天子信私人以謀柄臣旣也私人攘國柄而制重臣而術於是乎窮矣原厥所以皆由不知三公之職故也誠知三公之官論道而不及政天子之任三公也以道而不以政則道揆立而天下

之法紀畢張而不亂矣是治亂之統也青史氏之記
曰古者胎教王后腹之七月而就宴室太史持銅而
御戶左太宰持升而御戶右比及三月王后所求聲
音非正樂則太師韞瑟而稱不習所求滋味非正禮
則太宰倚升而言曰不敢以侍王太子太子生而泣
太師吹銅曰聲中某律太宰曰滋味上某然後始卜
名馬上無取於天下無取於地中無取於名山通谷
近無拂於鄉俗是故君子之名難知而易諱所以養
道也古之王者太子乃生固舉之以禮使士負之有
司夙興端冕見之南郊見之天也過闕則下過廟則

趨孝子之道也故自為赤子而教固已行矣其在孩
提三公三少固明孝仁禮義以導習之逐去邪人使
不見惡行於是比選天下端士孝弟博聞有道術者
以輔翼之使之與太子居處出入故太子乃生而見
正事聞正言行正道左右前後皆正人也夫習與正
人居不能不正也猶生長於齊不能不齊言也習與
不正人居不能無不正也猶生長於楚不能不楚言
也故擇其所嗜必先受業乃得嘗之擇其所樂必先
有習乃得為之孔子曰少成若天性習貫之為常此
治亂之原也○親王府初置左右相傳參軍錄事後

改設長史司左右長史各一人所屬審理典膳奉祀

典寶紀善良醫典儀工正凡八所所設正副各一人

奉祀所有典樂典儀所有引禮舍人外有倉太使副使伴讀教授長史掌王府之

政令輔相規諷以匡王失王府請名請封請婚及

請乞恩澤若陳謝進獻表啓書疏皆主焉下禮部議

王有過詰長史凡府僚皆綱紀其職審理掌推按刑

獄典膳掌祭祀賓客及王若妃之膳羞奉祀掌祭

祀典寶掌寶符紀善掌諷導禮法開諭古誼及國

家恩誼大節以詔王善良良醫掌療治疾病典儀

掌儀式文物之事工正主繕造葺脩工役伴讀掌侍

從勸講教授掌訓德義讎校典籍引禮舍人掌接對

賓客而贊相其儀郡王有教授典膳將軍有教授親

王有護衛指揮使司司有使有同知僉事衛鎮撫有

正副千戶所鎮撫有百戶掌防禦非常儀衛司有正

有副有典仗掌侍衛儀仗之事

成祖初改北平為北京洪熙初命襄城伯鎮守南京

宣德中改鎮守為守備正統初命少保南戶部尚書

黃福參贊機務後稱總督或時用吏部都御史已專
南兵部尚書定稱參贊而南京百官守備參贊機務
為要重治所在中府掌皇城京城畿甸留守之事以

時行視 陵 廟凡大小教場練將士新江口肄水

軍神機營習火器皆時督察之官軍騎籍歲一報地

圖文冊三歲一報諸江關浦口歲督行視之軍器歲

製貢舟均差遣而嚴輯之武學課業旗役併鎗監視

馬盜賊歲更官行緝屯田請專官巡視凡便宜事會

九卿五府議上請操江都御史一人巡江御史二人

專江防六部諸司具設官而稍省其負

一人吏部尚書一人戶部尚書一人侍郎一人中

禮部尚書一人主事十七人司務一人中四

一人兵部尚書一人侍郎一人中四

一人主事五人司務一人侍郎一人中四

一人刑部尚書一人侍郎一人中四

一人主事五人司務一人侍郎一人中四

一人主事五人司務一人侍郎一人中四

一人主事五人司務一人侍郎一人中四

一人主事五人司務一人侍郎一人中四

一人主事五人司務一人侍郎一人中四

一人主事五人司務一人侍郎一人中四

一人主事五人司務一人侍郎一人中四

南京宗人府

經歷司

主事

侍郎

中

四

人

主事

侍郎

中

四

人

主事

侍郎

一人主簿一人行人司司副一人
五城兵馬司
指揮五人副指揮八人吏目五人

國朝定鼎金陵以集慶路為應天府置尹視九卿正三已

定都京師改北平曰順天府置尹視應天府有丞

正四有治中正五有通判正六有推官正七而順天劇要設通

判六負府尹掌京府之政令宣化和人勸農問俗均

貢賦節征繇謹祭祀閱實戶口糾治豪猾振恤窮困

清錄罪囚務察知百姓之所疾苦而時撫摩之歲攢

實徵十歲造黃冊凡賦役皆按冊丁產而均適之歲

貢府學一人三歲合試圻府生而貢士馬月朔奏

老人坊廂聽宣諭歲立春迎春准春耕籍田奉青

箱播種以從覈勲戚家人季終造引帳上國有市易

平其賈召商而時給之凡學校軍匠積貯牧馬柴炭

河渠隄涂僧道醫藥之事率所屬而分理焉首領官

經歷司經歷從七典出入文移知事從八佐之照磨主磨

勘卷宗檢校佐之○分天下為十三省初為行中書

省已定為承宣布政使司司設左右布政使各一人

左右參政各一人左右參議各一人設都指揮使正二

筦衛所戎政設提刑按察司糾所屬府州縣官司有

按察使正一人有副使正二人僉事正五而參政屯田水利

驛傳參議分道守土糧儲副使僉事分巡兵備提學

撫民巡海清軍監軍各專事置無常負其邊海鹽運
行太僕牧苑山陝茶馬亦各置使司其事以聽于戶
部兵部如三司○布政使擬古方伯掌一省之政令
朝廷有德澤禁令承流宣播以下于有司凡僚屬文
武官歲廉其稱職不稱職者上下其考報撫按以達
于吏部兵部都察院三年則率所屬府州縣正官

朝覲于

京師詳第

有職不稱職者于部院聽廢

置十年會戶版以登民數三歲大比貢合省之士而
提調之宗室官吏師生軍伍以時班其祿俸廩糧祀
典神祇恪謹其時祀水旱疾疫之災請免民田租賑

之民有孝弟行義貞烈表著者疏請表揚鰥寡孤獨
廢疾者收給養母失所凡貢賦役皆視府州縣土地
豐瘠人民多寡均其數而下之民省有大政經畫定
而請於撫按若總督其 國慶 國哀遣僚貳 朝
賀 弔祭于 京師

天子即位則左布政使來見經歷

從一人典文移都事

從七人佐之照磨 從一人理卷宗檢校佐之理問 從一人典刑

名辨請疑允副理問若提控案牘佐之庫大使副使

主庫藏局大使副使主營繕隸馬○按察司掌一省

刑名按劾之事諸官吏姦邪貪酷罷軟得糾察擒治

平讞刑獄雪理冤枉禁詰官私豪猾之干治者以振揚風紀大者暨都布二司會議告撫按以聽于部院

凡朝覲慶賀弔祭之禮若首領官具如布政司經

司經歷一人正七知事一人正八照磨所照磨一人從八檢校一人司獄司司獄一人

○府設知府正一人掌一府之政令教養其所治民同

知正一人通判正一人推官官一人正七因事添設推官或二人通判至五人為之

佐凡賓興科貢均平賦役崇慎祀典禁奸頑表良善

訊刑獄審冤滯存困窮糾察所屬吏治而上下其考

以告於撫按藩臬達於吏部務周知百姓之所疾苦

若籍帳軍匠傳駟馬牧倉庫盜賊河渠溝防道路之

事雖有專官皆總領而綜督焉凡朝覲慶賀弔祭

直隸府得直達省府達布政司凡詔赦例令勘劄

下謹受之下所屬奉行所屬之政皆受約束於府府

劑量重輕而令之大者白於撫按及藩臬議允乃行

同知清軍匠或兼巡捕通判管糧捕盜治農脩河牧

馬推官理刑各分職任事首領官如按察司經歷一人正八

知事一人照磨檢校○州知州從一人掌一州之政令

教養其所治民同知從一人判官從一人為之佐州務上

視府下視縣以月計上府以歲計上省以三歲之計

上吏部同知清軍匠或兼巡捕判官督糧管馬捕盜

治農管河分職任視繁簡添裁無定負吏目一人從九〇縣

知縣正一人掌一縣之政令教養其所治民縣丞正一人

主簿正一人為之佐凡諸縣務如州而於民尤親歲貢

學生聽試於學憲三歲貢士聽選於鄉試歲造實徵

十歲造黃冊民之賦役視丁產為差歲以時征其役

賦有粟賦金賦布帛及諸貨物之賦有力役顧役有

借倩不時之役皆視其天時豐凶地產盈耗與人力

貧富調劑而均節之若歲大歉中歉請於府於藩臬

撫按視歲而時蠲減焉無幸富強苦貧約凡詞訟必

詢其情理考諸律例而決之有不服聽陳於上雪理

焉凡養老祀神表善賑饑恤窮通貨之事時省而敦

行之凡山海澤藪之產資國用者按其籍而貢焉

凡常賦責糧頭大戶追攝若雜征責里長教讀教鄉

塾老人勾勘民間細事總甲邏察市里弓兵民壯職

追胥縣丞主簿管馬管河管糧巡捕分職任事視繁

簡添設無定員典史一人典出納文移分領縣事焉

府州縣皆立學設官府學官長曰教授州學官長曰

學正縣學官長曰教諭貳俱曰訓導主教民俊秀詳

學校考中府州縣屬各有陰陽學府正術州典術有

醫學府正科州典科

縣訓科各一人

有僧道司

府僧綱司有都綱副

都綱副

都紀各一人州僧正司僧正道正司道府有倉稅課
正將僧會司僧會道會司道會各一人
司分司雜造織染局大使皆從九與有巡檢司巡檢
有批驗茶鹽所大使有水馬驛驛丞迺運所使河泊所
有草場使大有壩閘各設官州縣屬所在有司局所者
亦設官如府焉稅課司府曰司典稅凡商賈僧屠雜
市皆有常征以時權而輸其直於府凡民間買田宅
操券契出直百之三請印而藏之凡縣歲輸及雜賦
若諸贖金悉登籍而藏之倉大使典倉凡民賦軍屯
之入及諸贖穀若俸祿糧米咸收支焉織染局典織
造凡歲幣有常數絲與凍染之費並給於府會其數

而籍之幣成覆於府而納於內帑若宣索非局所織
作者市之以供巡檢控要害譏察非常姦宄竊發則
應時捕拿以聽於巡捕三年計其偽印強竊盜逃軍
囚民以為上下考批驗茶鹽引所典茶鹽引由稽其
奸冒而慎防之駟迺典傳郵迎送之事凡舟車夫馬
廩糧庖饌稠帳皆取給丁田受於府而籍其出入之
數河泊所典魚課草場受牧馬芻粟陰陽學司刻漏
籍雨暘報上日月食供救護醫學司方藥療人民疾
病僧道官領僧若道士凡救日月食請雨請霽祀厲
壇則謹率其徒而施其教事凡春秋奏樂於先師則

以道童充樂舞生而邊海有提舉市舶司提舉一人

舉二人從六吏目一人掌海夷朝貢市易之事辨其使

人表文勘合之真偽禁通番征私貨閑其出入而慎

館穀之吏目典所納文移驛丞寓夷客使僕豐其食

餼帳幕而上下其等周防之

國初設翼元帥府又改為行都督府或稱都衛稱都鎮

司已定為都指揮使司洪武中置大寧都指揮使司

永樂初移保定大寧地棄昇朶顏永樂中置交趾都

指揮使司宣德初廢地棄昇安南今都指揮使司十

有六浙江江西福建廣東廣西湖南山東行都

指揮使司五廣福建山西留守司二衛即英陵興

顯陵衛外衛及護衛三百七十五守禦屯田群牧千

戶所三百七十儀衛司三十三都指揮使司有都

指揮使正二二人都指揮同知從二人都指揮僉事四人掌

都司之政令各率其衛所以隸於五府而聽於兵部

歲聽考察於撫按五歲考選軍政而廢置之一人統

司事曰軍政掌印一練兵一巡捕曰軍政僉書其屯

田軍器漕運京操備禦諸務並選授曰見任管事否

曰帶俸諸國慶國哀慶弔禮若設官視布政司

經歷一人正六都事一人正七斷事一人正留守司

兵副斷事一人正七吏目一人司獄一人正留守司

正留守正一人副留守正二人指揮同知從二人掌中都守

護防禦之事諸政務設官視都指揮使司經歷斷外

衛指揮使司有指揮使正一人指揮同知從二人指揮僉

事正四人掌軍旅防禦之事歲藩臬撫按察其賢否五

歲考選而廢置之衛鎮撫從一人掌刑獄有首領官歷經

從七知事正衛學官教授其專城有驛有遞運有陰

陽醫學有僧綱道紀司則設官視府千戶所正千戶

正五人副千戶從五人有鎮撫二百戶其設官倣縣

首領吏自衛指揮而上官不世陞授改調如文官衛

指揮而下其世官不皆賢不蒞事得其人常攝數印

選以充其蠻夷居近徼為守者世官曰土官凡六等

曰宣慰使司宣慰使從三同知正四副使從五僉事

十有一曰宣撫司宣撫使從四同知正五副使從五

照磨從九各曰安撫司使從五副使正六僉事正七

曰招討司使從五副招討正六吏曰長官司長官正

官從六吏目各一曰蠻夷長官司長官正七副及府

州縣正貳幕屬世官者皆謂上官主附輯諸蠻謹守

疆土脩其職貢而供其調發無敢携貳有相讐者疏

上聽 朝命有流官者銓於吏部兵部又有蠻夷官

長副千夫長百夫長軍民萬戶司有儒學制如府其

府經歷司經歷知事並停銓

治少尹正五脩正庶尹從五協正庶尹下無文官再
考乃授勳武正二上護軍從二護軍正三上輕車尉
從三輕車尉正四上騎都尉從四騎都尉正
五騎騎尉從五飛騎尉正六雲騎尉下無
武功公侯伯歲支祿米多者五千石少至七百石文
武正一品月支米八十七石從一品月支米七十石
正二月六十一石正四石從四石正三十三石從
三石從五十一石正四石正六石從六石正七石
六石從七石正八石正六石從六石正七石
斗從九石正八石正六石從六石正七石
十石未入流月三石而階勳惟空名惟給俸視品乃
職司若所蒞屬獨視官為權重即品無論矣俸自正
一品歲千石迺而降至從九品歲五十石而止品高
者給豐尋定制在京一品至五品實支十之三六品
至九品實支十之四餘給鈔俸約者支稍從實以權
之後鈔折閱不行而留都官折鈔十之八入愈薄難
供矣外實支視各省府額無常亦間有職田然甚少
頗不足給焉

鄭端簡曉曰

皇朝建官準法虞周雖專領兼析微有不同而規模品
式大抵相為損益故權殺於漢而董正之綱維自定
負省於唐而職任之貫理甚周祿涼於宋而蠲復之
恩科愈厚即有驕陵旋麗陳臬豈無冗贅亦復汰除
矧文武夾維內外交應協恭互發則指臂相隨輒斷
獨行則齟齬不遂宏謨曲筭可謂博大精詳者矣乃

為官擇人匪專於法因分宣力惟既厥心則存乎其
人焉

函史下編卷之三

函史下編卷之三

